

嘉靖四年至七年

四五



國權

乙酉嘉靖四年正月庚申朔

再月醇代王還大同

自宣府

鹽官談遷孺木著

乙丑薊鎮總兵馬永言大同餘逆不悛據城拒命若不亟誅
恐春和勾下患且滋甚先宜優卹宣府榆林吏卒作其氣備
警仍密徵遼東延綏勦兵各三千約期并攻購賊自相擒斬
則事可定部覆從之

談遷曰雲中肘腋之變既專銳特遣安有遙制於上谷之

外者或恐輿志盡搖則明示利害討貳舍服而合諸路兵
以臨之悍卒必自相擒斬翹足可殫也胡瓚不即進師屢
告殲渠俱亡命之餘何以懲後其勅蔡天祐之怯夫怯獨
天祐乎哉又工書幕府斬獲不侔邊臣類如是矣
丙寅丁萬餘騎寇甘肅總兵姜與戰於苦水墩斬百有十級
殲其酋

丁卯南京刑部右侍郎高友璣為右副都御史總督漕運兼

巡撫鳳陽
戊辰命致仕大學士楊清為兵部尚書兼左都御史提督陝西三邊軍務
庚午始權山海關商稅

乙巳上

癸酉工部都水主事郭波先令長洲織造太監張志聰誣其

抗違至是波就逮下鎮撫司謫江西布政司照磨

進甘肅巡撫陳九疇右副都御史賜金幣

乙亥工部營繕員外郎翟璘坐緹校株累下獄謫外任——蓋

前嘗論陳萬言賜宅忤旨也

戶部右侍郎王承裕刑部左侍郎劉玉等築席書賑饑非其

咎俱還朝

益寧夏邊儲

丙子故黨北道僉事田美贈光祿寺少卿初胡瓚令美往渾

源應州道值伏被殺

辛巳許州長谷地震

壬午撫治鄖陽右僉都御史寇天叙巡撫甘肅

甲申許魯迷入貢禮部以會典不載請卻之不聽

二月庚寅朔湖廣左布政使蔣曙為右副都御史撫治鄖陽

辛卯安慶衛指揮方欽捕江盜見殺

壬辰慰諭慶王台宏王見張璿上變惧甚突出城欲上奏璿

阻之幽王別館吏部右侍郎溫仁和言罪狀未明萬一恚死

有殺王之名乞賜書以慰從之

癸丑初桂勇征西前將軍印失於亂卒命更鑄禮部尚書席

書請索故印上謂大同稍定奈何令及側子自危也詰之

故事夷使朝而後賞適上不豫書請先賞又被詰

乙卯詔內外理官輕罪成獄即放遣贓甚則散羈否則奏請

裁奪不得久禁

戊午夜火星犯平道東星

三月庚申朔丙申朱麟嗣成國公朱輔子

許南京守備太監黃錦等權蕪湖之木備御器

壬戌山東道監察御史王懋乞錄議禮杖卒諸臣謫高縣典

史

癸亥廣東左布政江潮為右副都御史提督鴈門等關巡撫

甲子巡按雲南監察御史郭楠乞復豐熙等官恤死者家逮下

獄
鎮守潼關太監黃玉以貪暴下獄戍邊

己巳巡撫宣府右僉都御史張縉移延綏起周金右都御

史巡撫宣府

行人司右司副柯維熊言伏闕諸臣多被死徙王懋郭楠相

乙酉蔡經常泰李鳳來楊言泰祐劉琦孫應奎余經王汝梅
為給事中林士元陳田正柯相為南京給事中

丙戌議內臣武職優免

徐宿盜平

四
癸巳庚寅朔福建右布政使何詔為右副都御史巡撫保定兼提督

紫荆關

兵部左侍郎李昆疾去

丙申給京營巡捕印

改顯陵司香署曰神宮監安陸衛曰顯陵衛

辛丑南京工部尚書崔文奎致仕

禮科給事中楊言言仁壽宮災特論修省臣以為責在公卿
有司而不在陛下罪在諫官而不在聖躬邇來賢否混淆
進退失常張璫桂萼始逢迎以竊清秩終怙勢以誣重臣此
吏科失職也張崙請陽和之田崔和亂鹽商之引此戶科失
職也享祀未恪廟祀無章此禮科失職也錦衣多濫陞賞
踰額此兵科失職也元惡監華等寬籍沒之法諍臣郭楠等
施械杻之刑此刑科失職也與作不常耗蠹無紀此工科失
職也皆足上干天和其復何道上不憚

癸卯叛人宋素卿論死

甲辰夜月犯心宿中星

丙午夜月犯南斗魁第四星

丁未大同衛雨雹殺菽麥

戊申工部右侍郎陳雍為南京工部尚書

禮部駁柯淵議令再詳之翰林學士張璫及廷臣力爭不允
己酉山東左布政林琦為右副都御史巡撫寧夏

乙卯應天巡撫吳廷舉薦致仕南京禮部尚書邵竇工其所

著簡端錄學^始等書

禮部集議世宗曰別立嗣王主祀廷臣初議也歲時遣官致祭安陸廷臣改議也祀於大內張璠桂夢霍韜等議也今何淵欲祔之太廟自唐虞迄今並無藩王躋祀陛下何所祖而為之乎不聽命更議

五明未朔連陽地震

庚申監察御史葉忠言十事其二釋宮女其三寬高墻罪宗等上納

之并戒諭外戚鄔景和陳萬言

署都指揮僉事王偉為總兵官鎮守廣西

辛酉順天府永清縣雨雹殺麥

甲子總督兩廣兵部右侍郎兼右僉都御史威應期為工部

右侍郎督理易州山廠

國子祭酒趙永為南京禮部右侍郎

丁卯兩淮巡鹽監察御史張珩報課積銀至百萬賜酒幣舊七十萬

己巳南京翰林院侍讀嚴嵩為國子監祭酒

諭禮部定議主世宗

辛未周煦改汝礪劉訥邱養浩聶豹鄭洛書高世魁沈松鄧

宏楊彛為監察御史姚鳴鳳蔣詔為南京監察御史

兵部右侍郎姚鏌為右都御史提督兩廣軍務兼巡撫廣西

乙亥故藩府典膳李恭贈紀善武宗幸榆林恭擬長至日
疎請回鑿江彬聞之陷死子譎成

戊寅右副都御史王時中為兵部右侍郎

己卯南京國子司業郭維藩為南京翰林侍讀學士

辛巳太子太傅成山伯王鏞卒

革職錦衣千戶李全等九十餘人皆辨復部科執奏不聽

尤溪山盜平

甲申南京操江左副都御史伍文定予告

乙酉禮部執奏世室不當立別立禰廟工仍定曰世廟即

環碧殿舊址制如太廟

故南京禮部尚書楊廉贈太子少保謚文恪廉江西豐城人居官處鄉行誼修潔士論許之

丙戌右僉都御史王堯封進右副都御史

戊子永福長公主薨

翰林檢討陳震為國子司業

順天府縣回安雨雹

六月丑朔署都督僉事杭淮為平羌將軍總兵官鎮守寧夏

守備鳳陽太監王德乞改勅兼轄廬鳳淮揚徐和許之兵部

執爭寢

赦高墻罪宗家屬二百八十九人

辛卯提督南贛汀漳右副都御史聶賢改南京提督操江

壬辰江西左布政使蔣瑤為右副都御史巡撫山東

甲午翰林編脩張潮尹襄為侍讀

永定汰盜曾鳳等伏誅

逮廣東按察使張祐副使孫懋 上密遣校尉偵事祐等詰

忤坐罪巡按御史楊鈐申救

南京工部尚書陳雍勒罷

丁酉兵部尚書金獻民罷寧夏總兵官神勛賂京貴發於東

廠詞連獻民被劾

戊戌巡撫甘肅右副都御史陳九疇疾去

己亥兵部左侍郎鄭岳致仕

琉球使者鄭純歸國勅諭日本縛送宗設等歸所掠漢人石

則絕貢

庚子上 武宗毅皇帝實錄

癸卯南京刑部郎中黃宗明都察院經歷奏何淵祠廟謬報

聞

甲辰巡撫順天右副都御史吳廷舉為南京工部尚書

丙午賜實錄監脩總裁纂脩等官金幣
戊申免山東災傷夏稅屯租

庚戌右副都御史李銜為兵部尚書

慶王台浚廢為庶人王愆張璿及鎮守太監李昕總兵神勛
謀殺之事覺遣太監扶安右副都御史王時中錦衣衛指揮
僉事劉宣武往訊奪爵仍居本邸俟悔罪歲給粟三百石
辛亥實錄恩進定國公徐光祚兼太子太師大學士費宏少
師兼太子太師石珪曾詠俱太子太保武英殿大學士副總
裁吳一鵬禮部尚書董玘詹事兼翰林學士纂脩官進侍讀

學士翟鑿為翰林學士翰林侍讀穆孔暉左春坊左庶子兼
侍讀徐縉為侍講學士脩撰唐臯為侍講學士侍講學士張
璧侍讀許成名為左右諭德侍講劉朴尹襄張潮為司經局
洗馬脩撰邊蕙編修劉棟俱左中允脩撰楊維聰編脩孫紹
祖俱右中允編脩崔桐江佃俱侍讀葉桂章王三錫陳沂鄭
灝俱侍講謝丕費宋俱左贊善林文俊蔡昂檢討金臯俱右
贊善編脩余承勛陸鉞費懋中汪暉馬汝驥葉式劉世盛倫
以訓檢討蕭成李方湯惟學俱脩撰檢討張星林時俱編脩
編脩孫元檢討席春劉葵原改除俱為按察僉事催纂謄錄

庚寅鳳翔知府曹蘭以中官論其奉詔不敬調兩淮鹽運司同知

癸巳逮寧夏總兵官种勛下鎮撫司

談遷曰邊將餽遺中朝雖甚虛勇不能廢也杜預所謂要使不吾害耳特中朝受之則有簞簞之嫌詰其賄籍亦懲汚之藥石也如种勛第銀俸貶級策勦圖功足矣必下之詔獄此以戒文吏則可非御將之道也

甲午翰林學士翟鑿右春坊右贊善謝丕主試順天

壬寅永昌騰衝雲南開封懷慶河南壽穎直隸徐州地震

乙巳逮彰德知府張惠以趙府輔國將軍祐棕誣奏也獄上奪祐棕祿三之一切責趙王厚煜降惠河東鹽運司同知丁未工念民災欲暫罷仁壽宮役費宏言昭聖皇太后居仁智殿未安宜漸修復上遂戒所遣各官科擾

庚戌免順天保定河間田租

九月己朔免鳳陽淮揚徐滁田租

庚申監察御史王官貪甚削籍奪其封勅

壬戌遼東蓋州衛地震有聲

戊辰太傅新寧伯譚祐卒謚莊僖

南京戶部右侍郎徐蕃改工部督理易州山廠
壬申徐州長垣祥符陳留地震

癸酉祀吳興弼於崇仁

甲戌南京右副都御史胡錠為南京戶部右侍郎

乙亥吏部尚書廖紀上三事正士風重定令惜人才
之自今託疾致仕俱不准京官年七十上方面官六十上方
予致仕外官毋引疾京官果疾方准其奏上遷去者許糾劾
守令俱九年考滿

免南昌新建進賢豐城餘干災傷田租

蓋州寧遠衛地震

戊寅南京太僕寺卿楊果終養

內府各監局請收工匠戶兵二部踈止報聞

起李承勛南京右副都御史

辛巳致仕太子太保刑部尚書林俊乞收用議禮諸臣并寬

廷杖召用羅欽順王守仁等呂柟魯鐸章下所司

甲申盜殺河陰前右副都御史許廷光

乾州樊伸省掾也有互相藩伯悞禮之民漸指目伸詐術誘
其衆割布書約謀不執知州捷捷為趙時以乞兒詞其事豫備

及攻城趙密用布賊拒之賊聚保楊干村轉縛之擒斬千二
百人趙時正德丁卯貢士終陝西行太僕少卿

十丙戌朔脩遼東邊垣

湖廣按察副使朱旒與總兵豐城侯李旻相訐旻入逮旒
下獄

丁亥趙永淳為南京戶科給事中穆相陳大器張問行王朝
用施山劉濂毛麟之為監察御史

工部尚書趙璜請止玉德殿景福安善宮工專作仁壽宮不
許

總督楊一清上言鹽引積滯請自正德十三年前曰舊引其
後曰新引每引輸二錢五分舊引二新引七兼行召商慶陽
貯銀專市邊馬先延綏而寧夏甘肅通次之報可

乙巳罷南京工部尚書吳廷舉廷舉乞休疏引白居易詩月
俸百千官二品朝廷顧我作閒人張詠詩幸得太平無一事
江南閒殺老尚書又云嗚呼上怒其怨望勒致仕幸上
初年寬之若中歲禍不知所底矣

崔銑曰銑平生頗識當世賢士大夫如吳公其才潔履厚
行定力鮮儷也銑嘗謂之曰許友死未知能否此外公優

為之嗟乎吳公衣食人廣矣妻子不能延朝夕服政四十年百瘁九死皆歷之不能一月安于朝推下賢哲不憚屈已此卒未嘗報德者孟子曰命也

癸丑議世廟神道光祿署丞何淵以太廟後南折而東連於世廟為迂遠宜與太廟街同門闢一徑禮部謂須毀垣伐木徹神宮監而後可請會官相度諸大臣俱言有碍從初議便不聽科給事中韓楷御史楊泰等各言列聖之靈不安工怒詰責御史葉忠復言之責對狀俱奪俸二月科工給事中衛道禮部主事曾存仁又言之上怒謫

仍定與太廟同街翰林學士張璫桂萼上廟街議云與太廟同街非同門也議禮之初爭稱帝而復爭皇今爭立廟而復爭路矣甚無謂也惟陛下早決之議遂定

乾州妖盜樊仲等平

十_{丙辰朔}胎子已南京右都御史張嶺為南京工部尚書

辛酉命兩廣總督姚鏌相機勅田州土官岑猛

癸亥錦衣衛指揮使夏助為都督同知毋葉氏乞襲慶陽伯不許

丙寅免淮徐浙西隆慶等衛田租

右僉都御史周倫服除提督操江

翰林學士張璁桂夢薦前大學士謝遷刺及時宰於是石琚

求去不允

乙亥山西平陽府地震有聲

許浙江市舶司太監賴恩巡海道值警得微吏卒蓋成化末

僅一林槐非故事也部科爭之不得

宥衛道曾存仁及御史邱養浩復其官養浩悞杖長隨謫

辛巳長至日 上不豫免朝賀

召楊一清直內閣御史吉棠以費宏席書有隙故薦一清書

亦薦之 科右給事中章僑鄭一鵬言不可兵部郎中楊儀

言西陲方急未宜動 上切責之已御史侯秩薦謝遷彭澤

謫富順縣丞

辛卯 上視朝

十辰乙酉朔辰萊州地震

丁酉起王憲兵部尚書總督陝西三邊軍務

吏部尚書廖紀以推總督不合乞休不允於是科道交論席

書構嫌箝制 上切責之

徐學謨曰議禮諸臣既被寵幸宜安心供職即衆心未附

猶曰所見之偏也奈何驕恣無忌甚至侵職掌不復知有國是楊一清召相廖紀以總督非一清不可科道亦以為言非阻一清之進實為邊方計也事不涉禮部乃席書謂紀內則柔順於相臣外則牽制於科道不當展轉為兩請之詞其意實欲進一清而退費宏也蓋張桂生之矣

戊戌荊州派盜平

辛丑刊大禮集議成

壬寅廣東惠潮兵備僉事施儒保^{以良}留進副使

戊申 高皇帝御序洪範及 上註伊訓無逸二篇並刊名

書經三要

庚戌總督兩廣兵部右侍郎盛應期劾罷

刑部尚書葉應驄錦衣衛千戶李經往訊陳沈罪死特旨宥

之削籍應驄經同御史熊蘭冷相叅政李銳叅議汪思副使

胡璉僉事施儒知府唐昇等雜治具得沈事問知縣宋元翰

冤狀曰沈元翰父所錄士也元翰始至雅善沈後驗其誦誦

之又沈窟盜事泄議捕沈言撫不聽竟勒之得沈手札成隙

令子更訐元翰受盜金賜戍副使汪^銀廉而釋之去之日民為

樹碑應驄遂奏沈貪淫無厭獵人婚姻牟人田土有鳥獸行

又擅殺人污讎群官而橫以罪陰蓄亡命肆掠積案至一百七十二宗除赦前及疑曖者餘十三宗當論連係三百餘人凡二十年間死徙數十餘人洸當置重典洸亡詣闕誣問官皆議禮黨首上方持洸獄而巡按冷相奏適至尚書趙鑑右副都御史張潤給事中解一貫御史鄭本公等爭執奏而即中黃綰當洸死席書數居間不得奏救之末引桂萼與趙鑑畧於朝鑑以聞不問張璁言洸議禮臣也嘗劾費宏而法官朋黨中以法上宥洸死削籍大理卿湯沐及鑑等各爭之不聽亡何大禮集議成加恩洸並宥其家

壬子免淮徐田租

癸丑遼東地震

閏二月朔日食

戊午禮部尚書席書進太子太保

己未增南京守備太監卜春

壬戌黎良陳臯謨為戶兵科給事中邱九仞方紀達為南京禮兵科給事中

甲子大禮書成推恩上議諸臣陞詹有差

乙丑岷王彥汰安南王彥泥各有罪廢為庶人彥泥錮鳳陽

彥汰在邸俟悔罪初各相訐遣司禮右少監李瓚大理寺左少卿徐文華錦衣指揮使王佐往按之以狀上

庚午恩平縣盜平

辛未署詹事府禮部尚書吳一鵬予告

甲戌譚綸嗣新寧伯

庚辰科給事中俞經劾兵部左侍郎胡世寧心術奸回開

告密之門蓋世寧先疎保身講學有君不密則失臣之語因

乞休不允

安昌伯錢承宗卒謚榮僖

辛巳兵部考選軍政

擒賊殺守備指揮李松德慶州判官陳琚

丙戌嘉靖五年

正朔申朔

癸巳免柴炭官解召納

乙未上南郊大宴

夜月犯鬼宿

丁酉虜亦不剌駐寧夏賀蘭山後欲窺邊趣王憲赴鎮

己亥吏部大計降斥千九百七十二人

庚子免丹陽丹徒蝗災田租

辛丑吉安知府黃宗明為福建都轉運使南京都察院經歷黃綰為南京工部員外郎隨州知州金逵為武昌同知光祿署丞何淵為工林苑監丞連城訓道陳雲章為建寧教授嘉祥教諭王价為東昌教授皆議大禮者

命權閔金輸承運庫錢輸廣惠庫復獨汴厰葦課指揮等官丙午正一真人張彥頰府第災求再建遣內臣為植工科都給事中黃臣等言日者趙秦榮三邸災詔行閱視而彥頰輒以煩有是出親王工也昔漢藥巴噀酒殿廷成都火滅彥頰

道術曾不家是救焉用之不聽

戊申吏部上錄用大禮及建言諸臣張璠桂萼及科道皆請之報罷

庚戌大計拾遺河南廣東提學副使蕭鳴鳳魏校山東兵備副使牛鸞僉事顧璫皆降調有差

癸丑玉田伯蔣翰卒贈太保謚

二明寅朔監察御史雷應龍言光祿寺歲飼鷹犬肉萬六千五百餘斤飼虫鳥菜豈葛林五千二百餘石費財損德命覈其費罷之

龍虎山道士邵元節為真人賜銀印直顯靈宮
乙卯裁漢陽府同知

戊午盜起淮安之洪澤掠泗州
大學士賈詠詹事董祀主禮闈

先是土魯番求貢兵部以巨測下鎮巡官諭之果悔過方許
百者拒絕嚴備禦

乙丑出岷庶人家屬於高墻

庚午靈邱礦盜千餘人拒傷吏卒
定陝西召募陞賞格

壬申順天保定河間大饑賑之

己卯罷永寧參將

庚辰免太原田租

壬午出京倉粟十萬石平糶賑饑民

莫登庸賂欽州判官唐清為黎庶求封總督右都御史張嶺
寘于獄死之

三卯申朔廣東瓊山縣雨雹傷禾

罷固原等鎮催糧郎中

乙酉趙王家廟火

廣昌^{江西縣}雨雹傷禾苗

丁亥復故南昌知府鄭獻官

癸巳遠東總兵官卻永疾去副總兵楊鎮為都督僉事代之
丙申免甘肅降夷哈密逸徙初陳九疇以異類議築城居之
楊一清言彼不為患何猜焉

戊戌策貢士於奉天殿賜龔用卿楊維傑歐陽衢等進士及
第出身有差

復遣內官織絨陝西

許軍官犯徒輸粟以贖不得視事徒一年納米十石

壬子誅宣城亂民何隆^初高淳派馬於宣城等縣既得旨各縣
人大譁知府及宦懼白於巡撫陳鳳梧巡按楊葵諭散事聞
還高淳馬按隆罪戍九人

四月癸丑朔吏部右侍郎溫仁和詹事董玘教習庶吉士

丙辰階州地震累日聲如雷

芒部^{四川龍氏}平設鎮雄府添官轄懷德歸化威信安靜四長官司以

順慶府通判程洸為知府

己未詹事桂萼張璠許奏大學士費宏私貢玉蓋璠萼入玉

堂兩脩實錄經筵日講主御試教習庶吉士皆不得與心憾
宏宏自辨臣受攻宜即去顧 皇考實錄未成所為惡
上溫旨答之
翰林侍讀學士唐皋卒

故南京刑部尚書孟鳳贈太子少保

癸亥南京右都御史聶賢為南京刑部尚書
貴州安南衛地震聲如雷

癸酉遼東金州衛地震

乙亥恩恩府叛程平

丁丑前吏部員外郎薛蕙削籍河南撫按官以陳沈所劾案
蕙俱無驗當復秩不許

辛巳武舉賜宴兵部大學士費宏主席列武定侯郭勛於尚
書下勛上章爭之卒如勛請

五癸卯未朔設三水縣於廣州

總督陝西王憲議出塞勦虜 上難之令隨宜戰守勿偉功以啟

邊警

建昌衛地震

丁亥南京右副都御史李承勛為南京刑部右侍郎

已丑荆門湖廣州地震岷州陝西衛大雨雹

辛卯嚴禁西山戒壇及天寧寺受戒僧人通諭天下

甲午肇慶府廣東猖賊焚掠殺守備李松

前南京戶部尚書蔣昇卒

乙未夜月犯天江南第一星

丙申錄金吾衛指揮同知張雄世指揮使杖英先朝諫南巡

夜月食

戊戌左都御史顏頤壽請正太監黃玉趙綱之罪上切責

之黃玉守備潼關貪虐趙綱筦甲字庫苛索俱得宥

庚子太子太傅提督陝西兵部尚書黃左都御史楊一清復

吏部尚書武英殿大學士進少師直閣已席書言一清既少

師則殿名常通轉指費宏欺斬上以手定不之改

金星晝見

辛丑刑部尚書趙鑑致仕上作詩寵其行

四川涿盜平

壬寅巡撫山東右僉都御史張九叙改南京提督操江

甲辰楊一清上五事聖學聖政聽言宥過和衷直隸上是之
滿城縣大雨雹

少詹事霍韜上言內外官遷轉不當苟循資格上自內閣卿
貳翰林下而部屬科道皆必出而補外外自監司守令及教
官乙榜歲首皆必擢而補內一以太祖時為法下廷議

庚戌左都御史顏頤壽為刑部尚書

六月壬子朔禮部尚書席書目青賜酒饌作詩慰之

甲寅程輅陳守愚為兵刑科給事中鄒棻為南京工科給事
申端廷赦張祿蔣錫吳仲楊瑛任淳為御史石瓘王瑋為南

京御史

山西蔚州廣靈雨雹

山東乙卯沂州大水

直隸丙辰河間大水大同雨雹

辛酉刑科給事中沈漢言霍韜遷轉議非是上切責之

壬戌吏部尚書廖紀等覆奏翰林諸臣或司典故或上經筵

或備顧問或代王言累朝優異視他官為重况九年考滿方陞二級間遇

編纂乃一轉官原不待以常調脩撰而下非首甲即庶常儲

養數年若調外六品則府通判州同知矣二甲尚為主事知州以此

相待夫豈人情吏部銓衡原非它比資望既深量處京堂亦不為過然亦間有外補既入內閣又遷外僚豈隆重禁近之意部堂遷叅政為有罪者言與有功者言與皆臣等所未解解也工命隨時斟酌以聞

癸亥楊一清言陝西織造弘治間有之旋行旋罷正德間太監廖鏊等剝民膏脂痛苦入骨今遣內臣縱謹厚安靜而官舍匠作豈皆一守法以不急之務而重困夫奄、垂盡之民乎且織局雖在西安而羊羝必取之臨洮蘭州此地凋敝民不聊生乞早降德音將太監梁玉取回所織羊羝袍服等

件付鎮守太監晏宏巡撫都御史王蓋督造不聽

甲子 工御平臺召閣臣費宏楊一清石瑄賈詠各賜詩一南京刑部右侍郎李承勛為南京刑部尚書

丁卯工部郎中陳缺賢請開寶應汜光湖月河從之

萬全都司及宣府雨雹

戊辰柴義為通政使宋滄陳經為左右通政

翰林院侍讀汪佃往福建建陽較訂刊籍時坊刻多訛巡按御史楊端提學副使邵銳請專官較訂故以佃往

禮科右給事中謝黃請禁嚴刑命都察院下各撫按戒諭

壬申兵部左侍郎胡世寧引疾改南京吏部

前太常寺少卿潘府卒浙江上虞人

進士歷提

學副使終養薦陞少卿性至孝致仕生年篤行好著述上聞其孝

例予祭并特予塋

甲戌豐潤伯曹愷卒

乙亥唐事張璠省墓

蠲應天諸稅

宥長沙大盜李鑑初席書巡撫湖廣劾長沙知府宋卿貪酷

陷李鑑大辟而鑑實行劫殺巡檢馮琳上遣大臣往按之

獄上如故律上逮鑑入京下獄席書代鑑跡辨曰臣議禮

忤朝臣故歸罪鑑為出宋卿地乞勅法司覆讞從之刑部請

下撫按再勘不許竟成連東

談遷曰議禮於他事何預輒引之為重仇忌中傷百相飾

也護前不已轉而誣構席書桂萼殆甚之矣今日釋李鑑

後日釋李福達維辟作威維臣行臆三尺法安在哉

丙子恭穆獻皇帝實錄成

翰林院侍讀王三錫為四川布政司左叅政

丁丑翰林院庶吉士張治授編修

番賊二百餘騎寇甘溝虜數犯洮河多殺略 上責總兵鄭
卿守備田登叅將王璣等各戴罪逐虜

刑科給事中管律言今之言事每借議禮為詞或乞休或引
疾或稱罪或代辨於議禮不涉而務援引牽附其故何哉蓋
欲中傷人非此無以激怒欲固已罷非此無以邀權乞嚴加
戒諭自今言事宜據事直陳毋假借飾詞 上是之即下都
察院戒諭議禮諸臣

戊寅廣東新會盜起

徐沛河溢壞豐縣城

庚辰前太子太保戶部尚書韓文平文字貫道山西洪洞人成化

丙戌進士授工科給事中數直言敢諫出為湖廣叅議累官

都御史歷南京兵部尚書改戶部至令官正德初議斥劉瑾

致削籍輸粟三千石 上即位詔存問進太子太保清修耿

介識量宏遠居常抑、臨事毅然不可屈贈太傅謚忠定

袁褭曰自古小人之窺伺神器者必先誅僂以立威而後

其勢乃成然必先去其素所畏憚之人而後可以如志是

以石顯殺望之王甫誅陳寶何者忠佞不兩立其勢然也

華容洪洞皆劉瑾之所畏忌者也然其得禍最烈而首先

去之是固知其必不附已且不如是不足以逞其所欲也
噫有天下者其毋使小人去其所畏以成其勢哉

大學士費宏等以獻皇帝實錄歸侍衛功司禮太監張佐
黃英戴永有原編實錄司設太監楊保陳清錦衣正千戶翟
裕陸松各有纂助於是佐等廢錦衣指揮僉事英永俱正千
戶保百戶清總旗俱世襲裕松進指揮僉事

金星犯井

七月初午朔駙馬都尉京山侯崔元攝享太廟禮科左給事中章
僑以為言奪俸二月

乙未伊王訐淵薨

丙申南陽牛生犢兩首

戊戌募商納芻直隸山東河南聽自輸餘輸計直戶部給商輸

之

庚子亦上隘觀德殿命改建於奉先殿左部科止之不聽

令廷臣四品翰林五品各舉守令有功超擢從御史朱豹之

請

壬寅興工作世廟樂章用文德之舞張璁曰武必以功定天下得
用武舞禹固揖讓得天下大禹謨舞干羽於兩階則天子皆

兼用矣詩曰簡兮簡兮方將萬舞記曰壬午猶繹萬人去籥
萬為舞之總名則諸侯皆兼用矣議者謬引漢景之詔不知
漢人文始昭德之舞未嘗無武也 國制王廟亦未嘗去武
舞使八佾而用文去武則西階之容聽其左闕其右何以式
四方垂萬世也從之增武舞

甲辰盜劫九江鈔關主事陳儒尋追擒之

乙巳禁勳戚都督及朝臣四品下乘輿軍職工馬毋抗兵部
尚書閱軍騎行

真人邵元節求免貴溪仙源觀徭役許之

是月莫登庸將喬文崑率兵降於黎諲、自清華進攻彰德

縣文崑以舟師攻木九州三岐江登庸間道襲諲、走執諲

妻鄭淑賢沉於江諲自是不振登庸鳩其王黎應并殺其母

虜入井坪參將李瑾戰于荷葉山卻之

八月 乙卯 錢維嗣 晏昌伯

河南布政司叅議王億戍南海衛通判李思仁削籍以黨奸
民張舉等死被訐逮獄刑部擬億削籍思仁復官 工特重

之

甲子潞州同知胡侍削籍知州邵經謫輔國將軍新漚訐試

諸生策目怨望譏切并及經下獄

壬申進士應檀等待銓尚遠乞如舊例放歸依親不許

乙亥示輔臣手書法祖安民奉天行道福道禍淫十二字

九癸未火星犯上將星

乙酉魏有本王重賢張惟恕熊爵吳大本張藩陳貴廖自顯

陳邦敷為監察御史南全田玉楊叔器為南京監察御史

戒諭法司聽斷私枉致入愬者罪之

丙戌世廟成問張璉章聖皇太后可一謁否璉答文獻通

考載唐開元禮及會典國初皇后廟見禮內外命婦陪祀後

立奉先殿於大內始止謁奉先殿今禮因義起一復古制

上從之禮部左侍郎劉龍等言璉等所引則大婚禮也於大

祭不倫不敢輒擬張璉桂萼復言周禮宗廟之祭王冕服立

於東序后副禋立於西序九獻之禮王與后通舉焉後世禮

湮僅存於開元我太祖載在會典奈何概廢也尚書席書

方在告請如璉等言從之

辛卯奉安獻皇帝主於世廟

乙未兵部尚書李鉞致仕

免真定河間水災田租

戊戌 皇太后謁廟

癸卯科道數論武定侯郭勛梧克徇賄不問

丙午張璠論費宏劫制府部謂其囑兵部尚書李鉞、不應也 工不問

庚戌山西宗祿始折支每石夏稅六錢秋糧一錢放支折銀五錢巡撫江潮議上

廣西布政司 叅政蒲圻胡堯元卒於橫州贈右布政使

十 子免應天徽池蘓常鎮江太平安慶浙江山東旱災田租
戊午薊鎮總兵官馬永罷永頌前總督陸完討流寇功乞贈

詹并宥學士豐熙等罪 工切責其妄言

己未巡撫陝西右副都御史王蓋為工部右侍郎兼右僉都

御史督買木修仁壽宮尋疾辭

辛酉兵部右侍郎王時中為兵部尚書

壬戌作 獻皇帝恩紀詩序

前南京戶部尚書蔣昇卒昇全州人成化丁未進士性敦友

家庭肅然家居杜門不與州郡事 始終一致

受操履清白贈太子少保

蔚州星陽天鼓鳴

丁卯曹愷嗣豐潤伯

與第大學士冕睦

戊辰災變遣大臣祭告郊廟社稷山川

費宏子翰林院編脩懋良為張璫桂萼所陷下獄尋釋

己巳試監察御史魏有本請斥郭勛用馬永忤旨謫科

道申救不聽吏部尚書廖紀因南京營務薦永及楊銳可任

并救有本遂復有本御史楊銳南京坐營

庚午上作敬一箴及汪范浚心箴程頤四箴費宏請刻於

天下學校從之

定國公徐光祚爭撫寧賜田請勘以戶部言止勘仍歸民間

癸酉兵部尚書王時中提督團營

甲戌傳制封厚燭徽王勤煥瑞金王勤斌商城王睦桴富陽

王勤燭永寧王融烜南平王顯梧永安王祐樞

鎮寧王

丙子巡撫甘肅右僉都御史寇天叙為右副都御史巡撫陝

西巡撫貴州右副都御史熊一漢為南京大理寺卿

丁丑翰林編脩孫承恩奉命輯尚書善惡事編詩六十首賜

名鑑古韵語

岑猛敗走歸順州被殺丞獻

十胎唐辰朔癸未御道上有匿名書二鴻臚寺以聞費宏等請燬之報

可仍嚴禁

乙酉大理寺右少卿袁宗儒為右僉都御史巡撫貴州

兵部右侍郎張璉唐事桂萼屢劾費宏、乞休不允璉等恐上

未省覽復醜詆宏并錄前三疏有旨俱朕親覽安有蒙蔽爾等其各脩乃職

戊子江西按察僉事汪應軫引疾遽去命逮訊吏部為請特令致仕

甲午夜月食

庚子兵部尚書李鉞河南卒鉞祥符人弘治丙辰進士授御史累

今官長於軍旅料敵奇中嘗總督西陲以數百騎覆虜衆五

萬時稱奇捷贈太子太保謚恭簡

乙巳前教授王价光祿寺錄事錢子勳俱察免嘗議禮求復

秩科給事中解一貫等以壞成制啟僥倖且將來人相援

比臣等無所復守上從之僅令致仕

丙午勞賜兩淮巡鹽御史戴金羊酒文綺蓋積課六十餘萬

十已酉朔壬子四川左布政使林茂遠致仕加右副都御史

己未太子少保工部尚書署通政司事俞琳致仕

張璉桂萼及霍韜方獻夫再脩議禮全書

辛酉陝西派盜平

癸亥大學士楊一清以灾異極言請罷 上嘉納之特賜勅諭仍戒群臣脩省

甲子禮部尚書席書等集議十六事給長單戶部給解戶裁

民運山東河南直隸定冊封禁越奏處造辦俱指久責成嚴

查勘停冒濫覈軍功議拜盜邱高墻慎誣枉處軍餉禁奢侈

飭武備懲嚴苛 上大是之俱採行四品以上自陳

丙寅戒諭群臣

辛未左都督時源言邊務實邊軍息馬力明賞罰報可

甲戌山西巡撫右副都御史江潮巡按御史馬錄給事中鄭

自璧秦祐常泰等御史邵甌等各劾武定侯郭勛庇盜茂法

當罪 上移李福達獄至京訊之

乙亥前應天通判祝允明卒允明長洲人弘治壬子貢士以

文翰著

丁丑張璠桂萼等力攻費宏、乞休不允

戊寅暹羅國坤思悅喇者來的利等入貢

己辛雲南左布政使傅習為右副都御史巡撫雲南

是年孟養思倫法攻緬甸破阿瓦城執宣慰使莽紀歲殺掠

亡美遂與木邦分其地蓋報執思任發之怨也命永昌知府
嚴時泰諭之不聽

丁亥嘉靖六年

正月朔

庚辰雨水壬午亦如之

癸未令廷臣四品以上條救荒事宜光祿少卿余才言限品
則求言未廣上即令才條議

甲申署都督僉事張倪總兵鎮薊州

戊戌吏部奉詔錄先年被譴諸臣惟議禮者不與

己亥四川橫江叛卒平

庚子勅纂修大禮全書大學士費宏楊一清石瑄賈詠禮部
尚書席書總裁兵部左侍郎張璉詹事桂萼副總裁少詹事
方獻夫霍韜前河南右叅議熊浹福建監運使黃宗明脩撰
席春編修孫承恩廖道南王用賓張治南京工部營繕員外
郎黃綰禮部儀制主事潘潢祠祭主事曾存仁纂修

癸卯前山東提學副使趙鶴杖訓導覽之至是補霸州兵備
不許

給齊庶人喪費

乙巳旌輔國將軍成鏞夫人李氏孝行

二月申朔虜犯宣府水地於叅將王經戰沒

壬子禮部尚書席書疾甚許致仕進武英殿大學士賜第京師

免福建廣西災傷田租

鴻臚寺卿黃紳請經筵失儀科道官退跡上免面糾從之

南京工部右侍郎何孟春疾去

順天府丞張仲賢為右僉都御史整飭薊州兵備兼巡撫順

天

丙辰工部右侍郎何天衢卒天衢字道亨 人弘治丙辰

進士宰嘉興拜御史劾馬文升見譏巡撫河南裁悍藩平王
堂卒是理易州厥善皇極數學見木介嘆曰京房有言涌泉
出道人死合木稼吾其已乎

己未錦衣衛帶俸署百戶王邦奇嘗傳陞千戶怨楊廷和詔
削及辨復兵部尚書彭澤抑之益次骨至是言哈密失國由
彭澤督甘肅時賂番求和及廷和草詔論殺馮亦虎仙所致
誅此二人更選大臣興復則邊事尚可為下兵部未覆邦奇

又言大學士費宏石瑄俱廷和黨欲為地夜過楊一清所箭見而出廷和子兵部主事惇匿舊牘致無契驗義子侍讀葉桂章督修撰余成勛等交通請託皆下獄廷訊桂章使唐府命逮入禮科給事中楊言奏先帝宴駕江彬挾邊兵四萬圖為不軌國家岌岌殆矣廷和不受其死以密謀誅之頃刻遂定策立之計此社稷勛也即使有罪猶當十世宥之今以奸人巧詆既褫其爵又逮其子若婿乃又聽邦奇之誣盡逮其鄉里此何為者至費宏石瑄之陰私猶無左証惟陛下財察之若以無籍曖昧之詞成師保大臣之獄能不為聖德

累哉上怒并鞠於午門至折指終不易謫宿州判官惇削籍成勛免官邦奇希進降總旗仍下督撫詳議哈密

馮時可曰楊言論大禮救故相侃、危論至折指而不易忠懇矣哉出為循吏處為廉士何一毫可指摘而以察罷也錢神所投至賊俊戕杰而不顧自古如此哉言歷參議

辛酉起羅欽順仍禮部尚書

癸亥大學士費宏石瑄致仕瑄疏稍懇仍切責不給驛自貫車一輛以行宏雖乘傳而金幣廩役闕如也蓋張璁桂萼攻宏甚又新中王邦奇之間也

徐學謨曰於乎當夫小人交構國是傾搖假令言官之楊言鳳鳴之諍大臣無費石狐悲之感大禍終不解矣嘉靖初年朝廷有人哉

乙丑總督南京糧儲右副都御史韓荆為南京工部右侍郎

戊辰免韶州南雄田租

己巳設田州府丞官

真人邵元節還山

庚午楊一清薦前大學士謝遷詔內召

辛未太僕寺卿閔楷為工部右侍郎

命太子太傅惠安伯張偉總兵左府都督同知魯綱萬全都

指揮使僉事劉淮為左右叅將練新兵聽征

甲戌上觀宋朱熹尤溪縣明倫堂銘作自得述一篇末云

楊一清為喬宇之師則師不從桂華為桂夢之兄則弟不親

湛若水為方獻夫之友則友日踈吁勢利奪人可垂世戒

丙子遼東大饑

丁丑南京太僕寺卿杭淮為右副都御史總督南京糧儲

三月戊寅朔卯安南莫登庸自即位稱大越皇帝改元明德先使范嘉

謨假黎慮禪詔於是立其孫福海為太子實名方瀛頃弒慮

并其母殺之偽謚慮恭皇帝時黎諷尚據清華入安順化廣
南餘舊臣分據聲援登庸率兵拒諷奪清華據之諷走入安
又走蔡州入老撾宣慰司

田汝成曰黎氏失國而莫氏代之其變未之詳也在黎氏
必淫酒敗度故衆叛親離在莫氏必陰施市恩故能潛移
默奪不然豈以一國之主累世之威忽然易姓而更無倡
義其間者哉桓叔之入晉也晉叔啟之也於是乎有椒聊
之詠胡恒之代齊也齊人附之也於是乎有採芑之歎莫
氏之於安南亦猶是也其得民深矣其自衛固矣征之則

失春秋詳內略外之體因而與之又非天王正名定分之
心故不若先之以責讓之詞詰其篡殺之由曉以君臣之
義以觀其臣民向背之機而徐為之所如其冥然矯虔不
可諭曉也為之申固閔隘卻擯貢獻絕不為臣則莫氏必
皇曰然曰天朝之棄我如是我何以取重於臣民也其臣
民亦將曰莫氏為天朝所不赦而吾父子兄弟皆亂賊之
黨也庶或有倡義而圖之者則吾中國禮義綱常固凜然
觀示於外域也故征之不若棄絕之為得策也

庚辰虜復入宣府大白楊堡叅將關山戰沒部卒殲焉逮總

兵傳鐸起卻永代之
延綏虜警增開中監引

壬午前少師兼太子太師吏部尚書華蓋殿大學士劉健卒

健字希賢河南洛陽人天順庚辰進士入館授編脩弘治中直閣

正德家居垂三十年嘉靖改元詔問加賜丙寅乞骸年九十四風節凝重練習典故有經濟才受

知孝廟惜武宗之不能用也贈太師謚文靖謝政歸闈帝數巡邊幸江南輒泣不食曰吾死無以見先帝矣人稱有古大臣之節為近世賢輔云

廖道南曰弘治間予從先大夫游京邸飲聞柙庵劉公常

國正色凡諸僚案謁私宅者不與交一言及入朝事關大

義累幾干言不輟及予登甲科到史館公尚亡恙卒無一

言干求恩過蓋古人所謂大臣與

甲申科給事中杜桐以疾求改南科上曰既疾何改為

尋察罷

命撫按考察王府官

丙戌起兵部左侍郎馮清提督宣大山西軍務同太監馬俊

總兵官惠安伯張偉等西征

翰林院侍講葉桂章被逮自殺於栢鄉傳舍

丁亥西庫火

山西總兵官楊賢免趙蕪代

戊子前少保兼太子太保禮部尚書武英殿大學士席書卒
書字文用遂寧人弘治庚戌進士除郟城令奏最授工部主
事造舟淮浦作漕艇志改戶部進河南按察僉事濟飢遷貴
州提學副使屢遷右副都御史撫楚遷南京兵部右侍郎入
宗伯目青謝任上自作文祭曰學得其傳德惟一致忠誠
端慎簡在朕心欲共圖政化之淳而遽奪忠良之連後雖同
事之臣日或接見獨於謀議之善不復可聞其悼念如此書
有才用多請書晚以桂萼薦蒙知恃罷負氣而忤贈太傅謚
文襄弟春吏部侍郎

己丑故工部左侍郎何天衢贈尚書

辛卯前翰林院修撰舒芬卒芬進賢人正德丁丑進士及第

諫南巡杖謫福建副提舉嘉靖初復秩諫大禮再被杖以內
艱歸卒芬風神玉立有志聖賢之道兼知天文曉音律世名
忠孝狀元萬曆中贈左諭德謚文節

甲午禮部右侍郎翟鑿為吏部左侍郎兼翰林學士直文淵
閣鑿為講官久工特拔之

朝臣考課

虜寇大同

逮山西巡按御史馬錄及布按三司官
岑猛餘黨盧蕪王受破田州據之

丙申 上問輔臣武弁之制對詩韎韐有與以作六師韎絳
色韐熟皮六月篇曰載是常服韎可弁亦可衣而素裳白舄
也制同皮弁古帝王武事則服韎韐之弁我大明集禮 皇
帝親征祭告服武弁則韎韐也結五采玉為飾其詳如此

己亥 戶兵工部尚書秦金王時中趙璜俱罷

永淳長公主選婚永清陳釗 上自定為駙馬都尉方涓吉
忽聽選官余德敷言家世惡疾下禮部郎中李浙奏德敷妄

言宜罪德敷誣浙黨惡弁逮浙竟罷釗他選

辛丑 吏部郎中彭澤考察謫外張璉言其勸贊大禮乞留從
之澤跡自白曰即使臣以議禮當上心亦不容借此叙復况

實無片語上達廷筮殆斃安敢欺也不聽給事中楊秉善等

御史儲良材等各言璉市私恩搖國是 上怒並奪俸二月

壬寅 考察拾遺命工部尚書張嶺都御史陳鳳梧林琦周金
陳洪謨禮部右侍郎趙永 卿崔傑通政黨承志致仕留

編脩廖道南司業吳惠

癸卯 再訊李福達於午門薛良等三十人共指之語塞右副

都御史畢昭引戚廣以証薛良之誣廣曰我未到官安得此
語於是刑部尚書顏頤壽等奏上上怒其偏護且畢昭等
先勘良誣今又勘實何也俟齋祀畢親鞠之楊一清言治獄
非天子事仍下廷訊

甲辰詹事桂萼為禮部右侍郎提督四夷館太常寺卿劉思
賢為工部右侍郎督理易州山廠

四月丁未朔酉洛谷古田盜復起

遣內臣南京織造

辛亥山西左布政使李璋為右副都御史巡撫寧夏起方良

戊辰崇先殿成即觀德殿更名世廟配太廟此殿配奉先

皆祀獻皇帝

日講官顧鼎臣講洪範稽疑卜兆與蔡傳小異上諭問輔

臣楊一清引五行以對上是之

壬申湖廣左布政使林廷楫為右副都御史巡撫保定

甲戌太子太保吏部尚書廖紀致仕進少保

請補兵部黃花鎮守備官軍

丙子調延綏總兵官署都督僉事彭英鎮守大同

御史陳察晉南京太僕寺少卿疏辭且薦前給事中劉世揚

等太僕例不薦代且工以察在言路久何至轉官而始薦也請海陽教諭

五月丑朔日食

庚辰兵部左侍郎王珣卒

辛巳南京刑部右侍郎王軌改戶部右侍郎

巡撫四川右副都御史鄭毅佐南院

翰林編修廖道南疏洪範九事工嘉納之

壬午起陳珣署都督僉事總兵官鎮守延綏

甲申起禮部尚書羅欽順為吏部尚書遣官即家促就道

戊戌免涿州良鄉固安永清大城文安田租

辛丑裁易州山廠運薪官

乙巳吏部右侍郎溫仁和為左侍郎署詹事府理詰勅

署都督同知張鳳為總兵官鎮守陝西

六月午朔兩廣提督軍務左都御史姚鏞致仕

丁未故瑞州知府宋以方贈光祿寺卿

以方湖廣黔陽人知辰溪有反狀繕城塹集民兵備漢以從事繫之獄明日反械置舟中罵不屈赴水死

總理河道侍郎章極奏開寧陵縣北金河出宿遷小河從之

戊申廢岷王考汰為庶人以幽囚嫡母也

己酉翰林編修林時為國子司業

寧晉伯劉岳卒

壬子南京太常寺卿何塘為南京工部右侍郎南京工部員外郎黃綰為光祿寺少卿直史館
癸丑通政司右叅議葛檜復孫姓外氏葛華妻具言養育狀
聽沒後歸宗

廣東左布政使梁材為右副都御史巡撫江西大理左寺丞

劉源清為左僉都御史巡撫宣府

兵部右侍郎王珣南京兵部右侍郎陳琳皆卒

刊大學衍義
上序之又作詩閱臣屬和曰珣學詩

上切責吏部趣行之吏科給事中王俊民御史劉隅等言臺諫自相批抵非聖世事無已請再聽察
上切責之

辛未賑畿內饑免夏稅馬價物料

芒部餘孽沙保等陷鎮雄知府程沈走畢節川貴官軍討之

沙保偽死土官弗察悞奏捷蓋沈招沐人占種夷田沙保因

以隴勝及隴壽故部阿得等稱兵

套虜鎖合兒伯通入花馬池韋州

癸酉宣大總督馮清被劾召還尋自免

九江兵備道仍轄興國黃梅廣濟

王時中復兵部尚書
抵鎮戎所指揮路瑞拒之總督尚書王憲先以中軍都指
揮李佐洎都督鄭卿叅將劉文副總兵趙瑛李義各兵至
北走追敗之細溝斬百九十三級諸將又追敗之初慶陽衛
指揮劉文以固原守備為叅將公廩養馬治兵皆有程告總
督王憲曰官馬散牧固原之東西海是餌也必乘我不
虞憲大徵兵於固原果日晡潛入花馬池報至固原憲命
榆林副總兵趙瑛與劉文各兵三千先行七十餘里已至五
營岡選鋒三百值戰堡人乘高望之謂二帥曰選鋒戰矣

二帥爭馳見塵高大遂走越黑水河據北岍水盈尺劉文
馳涉水射殪其雙刀將譯曰此鎖合兒伯通也棄岍北走
據斷山後澗水深官軍棄騎仰攻騎爭趨山崩擁
騎入澗陷泥淖兩軍譟聞二帥莫能制各與相失夜方詰旦
各効首三四十級而莫知所在文居固原久知其匿處
急上山跡其衆岩穴陶復中匿弗出者燒殺之殘北奔
及百里皆裸身而騎涼州都指揮卜雲至邀斬二百餘級時
邊候惟見一來騅者初昏出邊則千里馬也
甲戌涼州都指揮卜雲伏兵青羊嶺邀斬九十五級寧夏總

兵官抗雄又斬八十三級

是月平涼大雷雨晝晦浚谷水暴壞民居漂士女萬計

七丙子朔科道互糾舉更斥給事中鄭自璧孟竒余經御史任

佃楊瑞張鵬漢南京亦如之

改胡世寧左都御史

許羅欽任致仕

召李承勛為吏部尚書

庚辰前南京禮部尚書邵寶卒寶字國賢無錫人成化甲辰

進士守陳州愛民訓士累至今官博雅敦行士林重之贈太

子少保謚文莊入戶部員外郎即中遷江西提學副使累進

副都御史總漕巡撫江北不事改革其下吏憚之不敢苛黷

忤逆瑾坐累罷瑾誅巡撫貴州進戶部侍郎已予告起南京

禮部尚書辭嘉靖初再辭許終養問學該洽應務之才細巨

皆適所著學史簡端錄二書巡撫吳廷舉工於朝

丁亥罷宣大提督官

己丑少詹事方獻夫霍韜俱互經筵日講

前太子太保刑部尚書林俊卒俊字待用莆田人成化戊戌

進士平生不戀爵附權不畏強禦有犯顏敢諫之節高難進

易退之風穆宗改元贈少保謚貞肅

庚寅總督漕運右都御史高友璣為南京工部尚書

監察御史胡松言王瓊不可用忤旨被謫

御史周在

復言并改桂萼妄舉下在獄萼又薦瓊命復其官需召

談遷曰當時張桂之劾最熾而萼加銳焉薦楊一清則立
相之薦王瓊則立將之言脫於吻人不得角其片語雖

天子無所撓也猶以此令終非其幸與

壬辰左春坊左贊善謝丕為太常寺少卿提督四夷館

山東旱田租有差

乙未王偉罷李廣為總兵官鎮守廣西

丁酉南京右都御史鄭毅總督漕運兼巡撫鳳陽

己亥蠲順天永平田租有差

庚子復察處御史儲良材良材辨為吏部左侍郎孟春右副都

御史劉文莊所嫉桂萼言其任怨遭誣復之

談遷曰考功之法至嚴重也不幸受玷雖才賢泣刑無能

自明故祖宗朝守此為霜鉞莫敢攫也張璠之留彭澤

桂萼之復良材而功令弁髦矣彼亞卿猶爾矧持權秉政

之日哉

壬寅起盛應期右都御史總理河道

癸卯命祭顯陵視鳳陽皇陵

八朔午朔免延陝西安府田租

戊申更核軍職冒濫被革者釐為六條酌其去留

庚戌勅進王憲太子太保世蔭錦衣百戶鄭卿杭維進都督

同知卜雲趙瑛俱署都督僉事餘陞賞有差又諸邊覈功多

數年不報於是遣兵部官往同撫按即以聞

甲寅進楊一清左柱國兼華蓋殿大學士世錦衣衛百戶錄

其陝西功

癸亥少保兼太子太保禮部尚書武英殿大學士賈詠致仕

給驛詠嘗東馬錄引咎力求去

吏部右侍郎孟春以馬錄東及不引咎下獄

甲子光祿寺少卿黃綰訟王守仁等平宸濠功命給鉄券故

布政戴德孺詹子入太學

乙丑王受盧蘓破思恩執知府吳朝英千戶魏瓊等攻武緣

官軍間道入思恩復之

雲南土官坐事及承襲者鎮撫會二司連結奏保

戊辰始命禮部儀制主事金克厚教習駙馬

監察御史楊彝請罪戍從宜編發遠不過三千里從之

庚午湖廣大水漂沒廬壽二州縣

壬申南京吏部尚書朱希周致仕南察六科俱如故禮部右侍郎桂萼引他事刺希周畏勢希周言給事中財七人其人實無可去且五府經歷都事亦無一人去非獨給事中也因引疾

吏科給事中史于光上書往歲先後言禮諸臣伏闕躁妄

陛下怒而罪之凜秋肅物天道也一時玉成之意非欲絕之

近御史張袞疏乞聖宥等蒙勅該部看詳即報既吏部詳覆

上請命下報罷夫天地之春有不動則必舒聖人之仁有

不行則必洽况諸臣皆陛下所親拔擢欲與共圖治理

以茂中興者而廢謫已兩閱歲大臣未遂其先憂後樂之心

小臣未遂其幼學壯行之志家居者或年垂晚暮謫竄者皆

身處嵐瘴一旦有如劉晏世之齋志以沒如范祖禹之梅州

不返以陛下愛惜人才之心必有宥過後時之悔雖人才

消息代不終乏然沮德明求粟之奸寢淮南叛逆之謀皆舉

望素著之臣也伏望早實春生之仁即起諸臣懲創之後必

有感恩圖報大補聖治無疆之休者不報于光晉江人尋卒

京師居官清厲有求居間者因其妻以請于光佯諾問金安
在妻出視之于光面空踞吮倘受此子孫絕種矣

初廣信府同知葉朝陽坐事當逮未至吏部除南京員外郎
上詰右侍郎董祀引罪文選郎中鄭傑謫外任
主事劉
序等奪俸三月

按江北北田江南漲田

癸酉駙馬都尉謝詔尚永淳長公主

九月亥朔禮部右侍郎桂萼為吏部左侍郎仍署刑部

戊寅署都察院事兵部左侍郎張璉課御史斥謫十二人

己卯免江西河南山西田租有差

庚辰少詹事方獻夫為禮部右侍郎光祿寺少卿黃綰為大
理寺左少卿仍纂脩

壬午吉王見浚薨

釋妖人李福達署刑部事吏部左侍郎桂萼等訊福達云張
寅五臺人籍匠僑居徐溝嘗貸薛良錢負之故指為洛川人
李伍又云崞縣李福達也先後情詞互異前訐張寅名氏於
巡撫右副都御史畢昭安置口外寅子大仁抵助求救故東
馬錄錄中勛傳會薛良指張為李指伍為午令寅怨家李景

全韓良相石文舉等証成之按成化十八年黃冊云李福達時方七歲弘治二年王良李鉞謀叛方十七歲安有同黨遣戍山丹衛子總之馬錄借陷郭勛而給事中常泰劉琦員外郎劉仕成之薛良論死韓良相等永戍山西布政使李彰按察使李珏僉事章綸指都揮大理寺少卿徐文華俱永戍邊給事中劉琦御史程啟充盧瓊亦戍邊給事王科秦祐沈漢程輅及左都御史聶賢刑部尚書顏頤壽左右侍郎劉玉王啟右副都御史江潮劉文莊大理寺卿湯沐少卿顧從汪淵太僕寺卿汪玄錫光祿寺少卿余才吏部右侍郎

孟春工部右侍郎閔楷右僉都御史張仲賢俱免官馬錄永戍南丹衛畢昭還任時璉等獻夫以議禮驟顯朝臣嫉之如仇璉等亦斷一切齒會大獄興乃協比傾陷以摠積憤部寺而下無不被焚毒者實朝臣有以激之也

徐學謨曰是役也因大禮而成大獄郭勛武夫議禮受寵驕恣無忌目無旁人如爭文武兩爭雖所執為是士大夫側目矣馬錄本非相知何得輕囑而錄又識事淺欲撻拾張寅以傾勛而內外雷同群然黨護互相影射無一指實坐以謀反忽改為妖言夢之獄詞頗詳然以報復闡及亡

事一時竄跡朝堂幾空雖維辟作威無乃作順之過乎
談遷曰事貴詳於始而敗於激薛良訴巡撫畢昭與直指
小異馬錄何不重剖之也畢昭曰誣錄曰非誣始案未足
以折其口彼死不擇音求授權貴雖勛之驕恣安有通一
請寄律以黨逆之罪哉在錄之劾勛不為過南北臺諫白
簡交及將移赤族之罪致討武定不亦激乎設當時息喙
俟命則福達直太原之死獄何至疑宸聽而涉廷訊哉天
威震赫縹累舉朝竊為諸君子甚之也
郭子章曰馬御史即以成案付三司不能平反請固宜獨

此獄至今尚疑嘉靖四十五年都御史龐尚鵬以四川妖
寇蔡伯貫反鞠稱師李同而同自稱為李牛即福達也孫
大仁大禮世習白蓮妖教遂追劾郭勛乞卹馬錄 穆廟
從之不知 世廟是子 穆廟是子張文忠所反者當乎
龐中丞所反者當乎俱未可知也

癸未劉祖壽嗣寧晉伯

丙戌巡按浙江御史楊彝言日本例十年一貢來僅百人舡
三艘不持兵請檄彼貢如故事否則拒之報可
丁亥少詹事兼翰林學士霍韜為詹事韜躡辭云內閣推官

非祖宗制自楊士奇楊榮楊溥及李東陽楊廷和植黨以
屬視翰林門吏視中書故翰林遷擢不關吏部而中書至緣進
六卿吏一品俸臣嘗建議以翰林遷除盡歸吏部庶不陰倚
內閣而內閣亦不陰結翰林也 上不允辭
禮部尚書吳一鵬為南京吏部尚書進太子少保

已丑左都御史胡世寧改為刑部尚書

免鳳陽淮安旱災夏稅

署都察院事兵部左侍郎張璠工發奸懲貪事宜即行之
頒欽明大獄錄

談遷曰

天子萬幾何事不可作則釋一李福達即平反

允愜祇一人一事耳桂萼輩遽沾、上請猶夏虫秋蛙之

見也隆慶中都御史龐尚鵬上章追論福達之罪果逋逆

世妖捕治其冢而大獄錄又空案矣蓋桂萼輩好立異否

則無以自見也嗚呼墨、之化報、之反事經宸斷兇骨

欲朽而後人持其確跡尚起腐魄而誅之則庶獄庶慎毋

操勝於群情之外矣

辛卯右副都御史梁材光祿寺卿許讚為刑部左右侍郎右
副都御史潘希曾為工部右侍郎巡撫四川右副都御史王

廷相回院

陝西布政司右叅政孟洋為右僉都御史巡撫寧夏
甲午李鶴鳴史立模孟居仁為給事中劉泉王繼禮周易王
化吳淮郝元洪趙瑞施一德王道毛鳳詔劉模為監察御史
乙未起劉麟大理寺卿熊浹右僉都御史

丙申吏部左侍郎桂萼為禮部尚書仍兼翰林學士尚書兼
學士自此始

巡撫雲南右副都御史吳祺卒

戊戌兵部左侍郎兼翰林學士張璁上科目三事正文體明

實錄慎考官

上善之各省始遣京考

故削籍吏科給事中陳洸為廣東按察使周宣潮陽知縣伍
鏜所急走京師令人上書誣前吉安知府葉應驄比部時鬻
獄掠殺人而御史藍田按察使張祐周宣知府唐昇知縣宋
元翰伍鏜朋黨陷臣下刑部桂萼為之請盡逮諸臣詣京師
罷張懋孫懋官吏部侍郎方獻夫以詞連三四百人請再按
遣錦衣千戶陳紀往

徐學謨曰陳洸之獄起鄉里與朝議無預其後平反則法
司事也亦何與於翰林職掌而學士桂萼以洸議禮之黨

務護其短至與刑部趙鑑爭論攘臂相加其瀆法滅理豈
復知有朝廷紀綱耶則往時議禮之心亦不過私利其身
耳原不為上計也

庚子封訃淳伊王厚烷鄭王顯樟保康王安湜封丘王睦栲
沈丘王睦舉義寧王睦柯博平王融煥寧遠王胤移靈川王
勛涓吳江王祐翰崇安王秉棧保安王邦寧靖江王
壬寅禮部右侍郎方獻夫為吏部左侍郎仍兼翰林學士
湖廣左布政使丁沂為右副都御史巡撫四川
癸卯命王守仁專事田州召太監鄭潤還

甲辰福建按察使周廣為右僉都御史巡撫江西

十月己朔天文生按季考課定去留欽天臺木星逆行留井主
法令急天下更改張璠言按乾象五星之行皆距合於日以
為遲留伏留如木星與日合度而順行漸遲追日不及則遲
而留遂逆行矣逆行漸速而遲而留又順行乃更與日合木
星每歲經一次每退必十數度具有成法臺可問也嘉靖六
年九月二十一日木星二十四度至十月二十二日木星逆
行今年正月二十六日留井十五度二月二十一日順行矣
嘉靖五年八月十二日木星留參一度至九月七日木星逆

行十二月十二日留畢七度六年正月六日順行矣其進而
順行退而逆行皆天道之常或謂井為天子之府故木逆行
留守於井其應云然臣又按正德十年九月十二日木星留
井二十度至十月六日逆行次年二月始順行又弘治十六
年十月木星留井十五度逆行至次年二月始順行此皆木
星逆行留守於井弘治四年冬木星亦逆行留守於井成化
十五年冬木星亦逆行留守於井皆無他故也臣又按象緯
之書曰木歲星也於人五常仁也五事貌也仁虧貌失逆春
令傷木氣則罰見歲星又曰木星與土合為內亂為饑與水

合為變謀而更事今木星井水星躔斗牛及女相隔之遠凡
六次實未嘗合也又曰井為天之南門黃道所經為天子之
亭候主水衡事法令之所取平也王者用法平則井明而瑞
夫井水宿也嘉靖六年五月至九月木星又順躔焉井明而
瑞矣此固欽明大獄之徵也又曰歲星進退如度主奸邪息
若有變色亂行主亡福又曰井日月食五星逆犯主大臣謀
亂兵起又曰凡五星見伏留行逆順遲速應曆度者為得其
行政合於常違曆錯度而失路羸縮者為亂行有革政饑亂
之禍由是言之則遲速順逆者五星之常度也惟合散犯守

陵歷闕食羸縮等變斯應凶咎耳 皇上試以臣言詰問臺
官今日木星逆行應曆度與變色亂行與果有所謂合散祀
守等變之異否想其說必窮矣夫臺官占奏固其職如昨者
之解乃專歸咎更改蓋實欲陰壞嘉靖維新之治疑未必無
所受也

談遷曰永嘉議禮能以辨博濟其說即論星曆亦援據不
窮其見知於 上非偶然也

丁未署都察院事張璉申明憲綱

戊申兵部左侍郎兼翰林學士張璉為禮部尚書兼文淵閣

戊午左春坊左諭德顧鼎臣為翰林學士左右諭德張璉許
成名俱侍讀學士司經局洗馬張瀚侍講學士

巡倉監察御史吳仲請濬通州閘河戶工部侍郎王軌何詔
督役

己未起伍文定兵部左侍郎順天府尹萬鏜為南京右副都
御史

豐城侯李文為征蠻將軍總兵官鎮守兩廣

上作顯陵碑

祠故少保兵部尚書陳洽於常州

成化中征交趾戰死具衣冠以葬武進人

辛酉行人潘銳免官銳有心疾適上朝持疏劾桂萼倉皇出次下錦衣衛按問果狂易得輕論

壬戌提督總兵署都指揮僉事楊宏為署都督同知

選提學官在隸御史張袞鄭洛書副使浙江萬潮江西趙淵

山東余本廣西李中雲南唐胄福建張邦奇湖廣許宗魯廣

東蕭鳴鳳僉事貴州高賁亨

癸亥吏部尚書李承勛未至改刑部尚書進太子少保

右府署都督僉事劉暉卒

甲子工諭大學士張璁朕有秘示其慎之勿泄璁請如

先朝楊士奇例賜銀章許之各二章曰忠良貞一曰繩愆弼

違賜楊一清曰耆德忠正曰繩愆糾謬賜翟鑾曰清謹學士

曰繩愆輔德賜桂萼曰忠誠靜慎曰繩愆匡違

乙丑少傅大學士謝遷入朝遷者宿於望實皆重而楊一清

銜峻遂位一清下不能如梁儲之讓楊廷和也

給晏陸守備太監蕭洪符幟

丙寅贛州征徭民兵至韶州潰歸罪其首禍餘下王守仁撫

定

翰林侍讀汪佃嘗講洪範九疇不稱旨調寧國通判楊一清

等導上選擇儒臣於是侍讀崔桐左右中允劉棟楊維聰侍
講陳沂鄭灝脩撰蕭與成季方編脩劉泉宜外補上令再
擇於是侍讀崔桐脩撰張衍慶陸鉞江暉編脩黃佐應良左
中允邊蕙任深俱外補蓋張璉非詞林起家初又被攻因外
之遂

改大理寺左少卿黃綰為少詹事南京通政司右叅議許誥
為侍讀學士南京尚寶司卿戚端明福建按察副使張邦奇
為左春坊左庶子四川按察副使韓邦奇前山西按察副使
方鵬為右春坊右庶子吏部文選郎中彭澤為右諭德刑部

員外郎歐陽德吏部考功主事金瑒御史張袞為編修

國子祭酒嚴嵩請復舊制嚴考貢仍分給膳金從之

山西潞城青羊坡陳卿作亂

壬申光祿寺少卿黃綰言運不藉河其河源但山東諸泉耳

南旺馬場樊村安山諸湖為水鍾聚之所誠脩築隄岍柅去沙土更

引他泉別派者總注其中漕河可不竭矣湖外長溝馬房南至釣

兒口北至安山即古稱鉅野宋所云梁山泊也地窪下較湖

水低甚改漕河經焉可免濟寧高泉淺澁之艱則漕亦何賴

於河哉且漢唐宋粟皆仰給東南其漕道各因自然之勢非

人力惟元都燕始因山東諸泉初此會通河。在高原之上
南北峻坂水勢曲下其間行舟惟伏諸閘瀦蓄耳萬一風塵
梗塞元為殷鑒願豫計而廣圖之詔河臣經度以聞總理河
道侍郎章拯言沛縣為淤運難遽達金溝口通北新衛一渠
與昭陽湖通宜令運艘假此道入於湖由沙河板橋出先阻
者可令西歷雞塚寺出廟道北口通行工科給事中張嵩言湖地
卑河勢高引河灌湖必致瀰漫使湖道復阻將何以為計極
議亦如嵩言 上讓嵩詔擇諸達大臣實心經國者往督之
一時獻議如詹事霍韜左都御史胡世寧兵部尚書李承勛

皆慮及溝漕阻而昭陽湖東新河之說起矣

十一月乙亥朔濬天津海口新河

丁丑翰林院庶吉士陸燾為工科給事中王宣御史王嘉賓
鄺忭荆察林雲同俱戶部主事張鰲山禮部主事屠應峻袁
袞趙時春俱刑部主事郭秉璫張渠俱工部主事余棻大理
寺評事李元陽王格張鐸連鑛俱知縣張璫謂庶吉士皆乳
臭不堪教養又不當科道止就其榜第銓除於是無一留蓋
初入相庶吉士不往揖嘆之

丙戌提督四夷館太常寺少卿兼翰林侍讀謝正回院召前

國子監司業陸深楊一清薦之也

丁亥總督糧儲右都御史方良永為南京刑部尚書

戊子吏部左侍郎方獻夫為禮部尚書仍兼翰林學士直史館

庚寅左都御史胡世寧言 陛下至明屏陰宿弊臣獨念其

間有事常言而過激心無他而見短若即長棄深可隱惜又

恐中人惕禍遂怯正言而後有大事大奸莫之敢論臣請與

吏部考覈之究其心之公私原其罪之輕重量其才之短長

次第踈進庶無遺才 上善之考覈不行

十月甲辰朔諭戶部酌錢鹽事宜尚書鄒文盛條鹽法六事禁

私鹽禁占窩禁奏討明限期處餘鹽添刷引又錢法三事遵

制錢嚴私鑄順民情報可

丁未戶科給事中常泰刑部郎中劉仕成邊大理寺副杜鸞

御史高世魁任淳姚鳳鳴刑部員外郎司馬相俱削籍右僉

都御史張潤御史陞南京太僕寺少卿張英南京御史潘壯威雄俱免

官初李福達獄成泰等外逮未至至是譴斥

戊申詹事霍韜條舊章十二事一洪武中傳諭百姓栽桑棗

一永樂初命寶源局鑄農器給山東被兵之民一憲綱御史

行守勸課農桑一洪武中遣監生分詣天下督脩水利一諸
司職掌載各處開墾陂池可引水灌田一職掌載內外軍職
俱有定額一洪武中軍職子弟襲職比試一太宗陞南征
首功餘皆班賞一國初生員兼讀誥律教民榜文講大誥一
國初給僧道度牒造冊頒行天下寺觀一永樂中私薙
髮為僧并父兄發種田北京一景泰中令各寺觀限田六十畝
餘給民佃上大是之下所司

太監張永提督團營

談遷曰張永討真鐸未渡河而叛人先就繫矣計除逆瑾

雖其腹盡而永又一瑾也特不覲覲神器耳幸上廢斥
而楊一清盛稱其功夫密勿重臣所吐握者何限而亟
於故闕之是薦果以人事君之道耶

太子少保刑部尚書李承勛上足食足兵八事選京軍以壯根本
止操調以實內地足衣糧以恤邊民振紀綱以申軍令謹收
納以清宿弊便輸納以甦困民定經制以裕國用致中和以感
化育下所司議聞

壬子禮部尚書方獻夫請禁尼度妖變賣庵寺從之仍清覈
僧道戒私創寺觀庵院江西提學副使徐一鳴先毀寺觀逐

僧道被逮獻夫等申救尋釋

甲寅左春坊左贊善費霖為南京尚寶司卿左中允邊憲為山東布政司左叅政右春坊中右允楊維聰為山西按察副使

丙辰巡撫應天右僉都御史歐陽重改撫雲南

丁巳山西按察使唐龍為太僕寺卿

吏部尚書桂萼上禹跡九州圖

己未大學士楊一清上營務六事曰兵部尚書事煩不宜兼掌營務乞擇都御史專提督曰擇將領曰慎選鋒曰嚴訓練

曰禁科刻曰查馬正命行之

戒章奏煩詞下都察院榜示中外

庚申靈寶黃河清五十里

辛酉起周季鳳右副都御史總理糧儲兼巡撫應天

癸亥先是土魯番酋滿速兒數遣其屬牙木蘭求貢願歸哈密地部議彼狡未可信吏部尚書桂萼曰彼既屢懇不及今懷之則哈密之地何時可歸邊患何時息也當留質牙木蘭遣諭滿速兒訪哈密之後還其城印方許貢遂下禮兵二部議亦如之前巡撫陳九疇太監董文告捷云滿速兒牙木蘭敗

沒而番文求貢則滿速見牙木蘭也 上疑之會錦衣衛百
戶王邦奇訐九疇等開釁冒功 上怒速金獻民陳九疇等
下獄令甘肅遣撫夷官諭滿速見

甲子旌靈邱王府鎮國將軍成鏞孝行廬墓

丁卯李承勛改兵部尚書兼右都御史進太子太保提督團
營胡世寧改刑部尚書兵部左侍郎伍文定為右都御史

壬申提督四夷館太常寺少卿劉天和為右倉都御史專督
甘肅糧儲屯政

諭輔臣忌辰祭不用袞冕

上不豫輔臣候起居尋體平諭元旦視朝

戊子嘉靖七年

正朔戌朔甘露降長泰龍溪等縣

乙亥日重暈生耳左右有戰俱赤黃色又白虹彌天良久散

戊寅秦府鎮國將軍誠凜及其子秉榆秉枌有罪降庶人

己卯王準商大節徐俊民為禮兵工科給事中

庚辰監察御史吳仲劾武定侯郭勛籍口大禮大獄益驕縱

請正其罪上責仲禮大獄傾陷勳臣

壬午虜百餘騎掠開原靖安堡叅將閻振等追斬六十餘級
夜月犯六諸王東第一星

癸未進張璠桂萼兼太子太保俱辭進璠少保

行巡撫久任法考覈去留罷河南巡撫蔣瑄

夜月犯井宿

甲申授推官范安朱觀周相張景陳世輔葉照王儀俞稷為監察御

史兵部職方主事馬敷改御史

發山西三關兵討青羊山盜仍詔鄰境嚴兵

乙酉總督河道右副都御史盛應期言沛縣以北河道其形

卑下故沙淤易澱、不疏濬終不能令運道無梗也臣博訪

便宜咸稱昭陽湖東北接沙河河南接留城延袤百四十里誠

穿一渠以通運而又築閘壩水門時其節宣較之濬舊河勞

佚遠甚約役六萬五千人費二十萬度六月可罷廷議許之

周倫為兵部左侍郎王廷相為兵部右侍郎

丙戌上南郊戊子豐潤伯曹棟卒七子庶兄松襲

辛卯 上每辰拜天宮中輔臣以勞止之

提督太監張永簡京營原額兵十七萬七千有奇今五萬四

千四百有奇馬十五萬二百餘匹今萬九千三百餘匹下兵

部議補

壬辰浙江福建湖廣江西左布政使潘垣朱廷聲潘珍葉相

並為右副都御史巡撫河南湖廣遼東貴州山東陝西樓察
使王應鵬翟鵬並為右僉都御史巡撫保定寧夏湖廣巡撫
孫修改右副都御史提督操江
癸巳免平涼田租

甲午南京太子太保兵部尚書李克嗣致仕

夜月犯區宿東南星

丙申楊一清上甘肅召商屯田事宜下督撫王憲劉天和區
畫

吳瑞登曰樓監自為鹽屯自為屯則邊計之費亦已久矣

惟若一清之議鹽與屯相為表裡則實邊之計亡逾於此
召商開中誠善策也然本土無所糴買而徒輸內地之粟
其為力也勞其為費也廣商人笑計多寡誰願為之惟於
商之上納苟從其輕而又於邊之屯種稍有所積則為商
者或運於內地或糴於邊方各有所利則開中自廣一國
初之法便自可復不然如漢之贖罪拜爵納粟入邊亦一
策也然行之終未見有成效豈不得其人而然耶

覈馬牛羊等房芻料

前甘肅巡撫都御史陳九疇下獄

丁酉錄舊將

戊戌旌慶成王奇湏孝行

夜月祀建星第二星

己亥順天府尹陳祥為右副都御史總理南京糧儲

壬寅禮科右給事中蔡經等請罪人付中外法官罷遣錦衣

官校從之蔡經即張經復姓

是月餘杭知縣穎上王確奏寃獄孫榮富於財而罪非所死

臣若生之人且疑鬻獄臣有子民之責請身詣詔獄廷辨其

事如妄言甘伏故出之法上從之榮末戒尋確憂去榮母

餽百金確曰令知民寃民顧不知令志耶固卻之杭州府志

二朔外朔定廟祭類稱太廟稱七廟禘祭稱十廟

永平旱蝗

甲辰鎮雄叛夷平

丙午免寧波田租

補築陝西邊牆初楊一清欲築延綏寧夏邊牆三百里會去

官止築四十里至是工科給事中陸粲言其利從之

戊申選各省兵備官及邊方知府

甲寅外戚邵杰嗣昌化伯

官軍討青羊山盜敗績執知州王朝雍郭鑑殺指揮秦洲等

太僕寺卿唐龍為右僉都御史總督漕運兼巡撫鳳陽

丙辰陝西總督王憲改南京兵部尚書起尚書王瓊總督陝

西

丁巳 工作燕弁服忠靖冠

庚申翰林院三教一亭勒御製箴仍行南雍天下儒學

辛酉處州知府潘潤請復劉基伯爵

甲子設鎮撫河間保定總兵官都督同知魯綱以京營五百

人往

三劫申朔兵部右侍郎王廷相兼右僉都御史提督延綏寧夏

邊防築垣

癸酉河南盜平

乙亥太子太傅鎮遠侯顧仕隆卒謚榮靖

丙子賜張璉姚溪書院曰貞義堂曰抱忠

丁丑夜月犯天關星

戊寅大學士謝遷致仕遷應召年已八十詆揚一清下默

不能展遂求去

馮時可曰餘姚杜軌二十有二年矣乃再入當軸豈不知

永嘉遇 主安仁窺鉉即巴陵再相志亦難行而欲殫我
康猷可乎哉及徘徊瑣闥側目新貴抗顏慮見錦之虞統
指懼不恒之羞而後幡然長往亦晚矣是以君子貴慎始
也

己卯各御史會薦致仕尚書羅欽順秦金趙璜左都御史姚
鎮右副都御史林廷玉楊志學張璿南京國子祭酒魯鐸右
通政李先吉 上責其私非用才却元洪周在徐州謫外餘
奪俸二月
重校會典增訂之

戊戌大學士楊一清言今日急務宜先收土官之心破其從
逆令鎮巡官馳諭朝廷威德鳳朝文安銓自作凶孽爾等世
職各出兵協討又土官土舍應襲鎮巡官速上吏部嗣職不
必展轉馭勘兵興糧阻榜示各都司衛所官輸百石陞一級
襲一輩定例仍給札千餘又諭雲南僑人復業 上然之
己亥試監察御史周相諫河清祭告知廟下獄至是謫韶州
府經歷

禮部右侍郎徐縉改吏部禮部左侍郎李時改戶部大理寺
卿劉麟為刑部左侍郎

庶子工部主事胡明善改監察御史朱孔陽朱廷三李宗樞
傅鳳翔教鉞傳鷄楊東為試監察御史呂景蒙喬英朱紱余

勉學方日乾為南京監察御史

四月壬寅朔南京吏部右侍郎李廷相疾罷

都督桂勇充官總兵會河間保定總兵魯綱等協捕京東深盜

庚戌諭百官脩省求直言

詹事霍韜為禮部尚書南京國子祭酒湛若水為南京吏部

右侍郎右僉都御史熊浹為大理寺卿

始遣朝臣主試鄉試各省浙江工科給事中陸粲兵部郎中華鑰

江西兵部郎中盧憲刑部主事屠應竣福建兵部員外郎陸

銓刑部主事江以達湖廣戶部郎中郭日休禮部主事吳龍

河南吏部主事蕭璆刑部主事袁襄山東禮科給事中劉世

揚刑部主事陳麓山西禮部郎中邱其休仁國子監博士王廷

陝西戶部主事王嘉賓行人李仁四川戶部主事鄺汴大理

寺左寺副王鴻漸廣東吏部主事王激大理寺評事徐琴斐廣

西刑部郎中祁勅戶部主事林雲同雲貴兵科給事中喬大

節戶部主事陳策良給驛以行

庚申左春坊左庶子兼翰林侍講張邦奇為南京國子祭酒

唐事霍韜辭新命撰成書許之

壬戌熊浹為右副都御史陳璋為大理寺卿

癸亥巡撫四川右副都御史丁沂疾去

乙丑套虜近邊太子太傅惠安伯張偉為虜將軍揚威營都

指揮同知劉玉仲威營都指揮僉事蕭澤為左右叅將勒兵

待命

丙寅南京禮部尚書沈冬魁致仕

巳巳順天府丞唐鳳儀為右僉都御史巡撫四川

詔吏部詳近年謫降官所由以聞

庚午國子祭酒嚴嵩為禮部右侍郎

五月未朔異總兵官桂勇報勦盜賜金幣仍還巡捕

丙子復鎮雄府土官

丁丑禮部左侍郎劉龍為南京禮部尚書

巳卯國子司業陸深服除授祭酒

宥陳洗死仍予冠帶錦衣千戶陳紀奉命上獄詞前吉安知

府葉應聰坐奏事不實削籍即中黃綰謫 潮陽知

縣伍鎧城旦御史藍田削籍詔州唐昇謫 凡經勘官各

鐫俸又出即中劉勳御史熊蘭涂相罷叅政李銳僉事施儒

壬午提督兩廣軍務新建伯王守仁招降田州盜盧蘇王受
投南寧受杖乞立功自贖宜量授土官上嘉其功勅遣行
人獎賜金幣

田汝成曰嗚呼予涉廣西聞父老言田州事未嘗不三歎
馭夷之失策也國家以土官治南蠻蓋用人彊以戎索之
意自韓襄毅之後而軍門號令漸已不張要皆自致岑猛
倚強跋扈罪誠有之誅其君而弔其民誰曰不可盛應期
始以私望當猛大逆何以服其心也盧蘇倡亂抗敗王師
雖八議不宥新建受錢專征總制四省撲殺此獠直拉朽
耳而顧以姑息訖事何哉副使翁萬達曰新建之將薨也
予適侍側言田州事非我本心後世誰諒我者而叅將俞
恩亦言田州乃陽明未竟之功然岑猛實伏誅而跡言病
死蘇受大懲漏網而或稱其功此何解也迨乎盧蘇再叛
弑主犯諸酋之怒當是時陶諧肯以一札詰之正名其罪
可不遺隻鏃費斗糧而此獠齏粉矣蔽奸罔上失諸夷心
彼其人寧復顧國家大體哉予又聞員外吳鼎曰新建之
起用思田也蓋桂萼之力居多云萼自以遭時際主致位
輔宰非立奇功不足賈重後世會安南有亂冀可傳檄取

之乃陰以意指授守仁若專為思田出者使密探安南要領而守仁竟忤夢指直於奏尾稍及之夢遂恚憾會守仁物故而以他事發怒誣其名嗚呼使其然譎秘又何如也

陝西按察使李如圭為右僉都御史

癸未戶部左侍郎李時政禮部左侍郎直講大學衍義

再提督兩廣姚鏌與御史石金訐奏奪鏌官閑住

甲申黔國公沐紹勛破土寇安鍾等賜勅優賚

甲午前兵部尚書金獻民下獄奪秩

乙未旌靈丘王府輔國將軍聰測孝行

大學士楊一清言今日之務在省事不在多事在守法不在變法在晏靜不在紛擾在寬厚不在繁苛臣謹就其急且要者曰舉賢才以充任使曰收人心以固邦本曰求直言以防壅蔽 上是之

丙申巡按直隸監察御史張恂至保定悍卒群訴知府屠僑
虧餉副總兵陳謹諭解

六朝丑朔明倫大典成 上序之宣史館頒天下楊一清加正品尚
寶司丞進張璉少傅兼太子太傅吏部尚書謹身殿大學士

翟鑾禮部尚書兼文淵閣大學士桂萼少保兼太子太傅並
詹中書舍人方獻夫太子太保熊浹左副都御史霍韜禮部
尚書黃綰詹事

壬寅番夷牙木蘭帖木哥土巴率衆內附牙木蘭為滿速兒
所趁懼誅而罕東番族帖木哥土巴者土魯番歲徵其婦女
牛羊不勝侵暴于是盡率其族帳求附提督尚書王憲言牙
木蘭土番腹心土巴羽翼也內相猜忌挈族來歸中國之利
也

癸卯勅定議禮諸臣之罪前大學士楊廷和削籍故禮部尚
書毛澄奪官前大學士蔣冕毛紀尚書喬宇汪俊各鐫秩閑
住林俊何孟春郎中夏良勝俱削籍餘不問而良勝輯銓司
存稿廣東叅政張懷授知府湯朝煥刻之張璠等劾為妖言
遂逮良勝朝煥請宥懷罷官良勝卒於戍所諫南巡爭大禮
並被杖人咸壯之

林之盛曰夏公再被杖忠愛豈為名高及請銓司存稿不
過議禮諸跡非有鴻賢風角之左白蓮推背之異也何名
為妖言而竟不免於戍妖言王法所禁豈永嘉亦借以誅
不附己者而不一思之乎前乎此者鄒汝愚以諫悟劉吉

吉欲甘心焉坐之以妖言後乎此者郭中允以諫牾嚴嵩
、欲甘心焉亦坐之以妖言 高皇禁奸之典竟為方正
國事之悟而此法滑用貽害可勝道耶古之忠臣愛君必
防其漸試考當時若道士邵元節吳尚禮等三清等籙紛
、於此指其妖入告我后則 肅皇晚年必不惑於玄文
不此之妖顧摘異已者以為妖張桂相業所以未純與

憲廟賢妃柏氏薨

乙巳通惠河成

丙午王守仁奏田州改田寧府設丞官別立田州有岑猛幼

子邦相授吏目署州事盧蘓王受為土巡檢思思丞官仍舊
從之

戊申諭禮部加 獻皇帝謚號章聖太后尊號

壬子通政使羅欽忠為左副都御史總督南京糧儲

宣府總兵官邵永疾歸

癸丑翰林院編修江汝璧為南京國子司業

庶事霍韜力辭禮部尚書且云弘治初天下武職不滿三萬
錦衣衛官僅逾二百迄今寔增何啻數倍其他冗員蓋可類
推賦額有限耗費已涯更數十年不知何策以善其後今翰

林脩書而陞日講而詹御史紀功而賞巡撫又詹武職冒濫
如此臣可隨涿而趨乎 上不允

工部主事何棟駐通州料理歲運

乙卯南京刑部主事陸澄以議禮上章追悔 上原之

戊午署都督僉事趙瑛為總兵官鎮守宣府

己未復陳沈官進一秩桂萼霍韜俱訟其枉

監生陳雲章授國子博士霍韜薦之

旌趙王厚煜孝行

丁卯免河間保定順德真定廣平大名水災田租

叛舍鳳朝文安銓兵敗走死雲南平

己巳翰林侍讀學士許誥上所撰通鑑綱目前編圖書管見

太極圖論畱覽

犯大同中路叅將李泰擊斬十九級

七庚午朔大學士張璉請宣諭內閣絕讒邪清政本云內閣自
三楊之後為奸人鄙夫貪污亡耻習以為常又閒廢有年仍
求起用去而復來略不自懲前非來而復去猶且陰為後計
盖明斥楊一清也一清起家由璉等雖敏練見知頗不自安
請賀河清獻甘露迎合上心又起進璉等而璉等輕一清不

復持後進禮氣凌之矣

己卯 上詣奉慈殿上 孝惠康肅溫仁懿順協天祐聖太

皇太后尊謚詣 世廟上 恭睿淵仁寬穆神聖獻皇帝尊

謚成國公朱麟禮部右侍郎嚴嵩有事顯陵即賚冊寶往

刑部左侍郎劉麟為工部尚書

辛巳上 章聖慈仁皇太后尊號

壬午行人何社推官田秩知縣曾仲魁周仲魏良弼為給事中

罷昭陽湖新河之役功且半旱災脩省議者格之

召感應期還朝

漳州推官黃直被降道工跡早定儲儀下錦衣獄尋釋

甲申巡撫遼東右副都御史張雲疾去

丙戌刑部右侍郎許讚為左侍郎南京兵部右侍郎為刑部右侍郎

浙直織造太監張志聰有罪免耿隆代

戊子錦衣指揮俞事甫田聶能遷初附錢寧冒功被汰遂附

崔文復秩又議禮未陞怨黃綰纂脩削其草誣綰為王守仁

賂席書見召綰跡辨下法司獄上戌

庚寅刑部尚書胡世寧薦霍韜為左都御史兼翰林學士不

入院專論糾彈上嘉之

南京雨血雨黑水

辛卯兵部右侍郎王廷相刑科右給事中陳臯謨覈御馬監
勇士

工部右侍郎潘希曾兼右僉都御史總理河道

陝西盜平

甲午南京右副都御史萬鏜為南京兵部右侍郎

八月子朔巡撫

右副都御史張縉疾去

命誥勅務從簡實

辛丑召南京工部右侍郎何塘於工部

諭肅朝儀

甲辰大學士張璉請編纂所賜御札從之

乙巳先祿寺少卿蔡亨致仕亨前興府伴讀

丁未右春坊右諭德兼翰林脩撰韓邦奇方鵬主試順天

戊申三邊提督仍稱總制

辛亥王守仁討八寨等叛猺

祭故四川按察使東陽胡文璧文璧才猷練達自戶部主事
歷郎中正德己巳改御史風裁凜擢太常少卿憂去起守
鳳陽調保定尋遷天津副使以禁革皇莊下詔獄謫延安檢

校 上初起蜀集未赴著有文會錄未陽遺記

壬子免河南開封彰德衛輝懷慶旱災田租

丁巳湖廣容美宣撫司龍潭安撫司入貢皆千餘人命裁之

辛酉兵科給事中史立模請通州判官立模嘗跡朝覲禁約

事宜 上是之諭部院毋得偏聽尋諭吏部立模意在拒絕

人言調外

禁鎮守內臣總兵受軍民詞訟

癸亥番夷帖木哥既降所部日至命安輯其願還沙州者聽

甲子大學士楊一清數求去不允一清雖首揆老成而上

方重張璁、氣盛下視六卿桂萼同進非故知也萼所建白

往、得抑用是俱憾璁而一清又自與萼隙三人鼎詆而一

清尤見斲矣

己巳盜伐景陵木

九 庚午朔罷總督河道右都御史盛應期及郎中柯維熊初維

熊贊新河之議後論者紛起維熊又甚言不便應期亦上疏

自理兩去之

吳道南曰新河之議後歷三十年卒循遺跡運道蒙利乃

知不可慮始非獨凡民云

乙亥提督南京糧儲都御史羅欽忠仍為通政使

己卯刑部尚書胡世寧言新河之役首倡自臣而倉事江良

材疎與臣合盛應期遂為國家興莫大之役初期以六月應

期督急蒙罪非不幸也獨念國家債事必追論首議之臣臣

宜同罷廢令天下後世知我 皇上賞罰之公亦以明臣子

不敢欺之義 工懋留之

庚辰裁巡撫江西都御史

辛巳旌故汀州知府海鹽張寧妻高氏李氏貞節為先朝給事中有名卒寧無子卒令二

氏改適不從斷髮毀容紡織自給伶苦楚畧無異言鎮巡以聞故有是命織作不二跡

壬午浙西灾折田租加賑

癸未命禮部尚書方獻夫大書各處灾異進覽

甲申以灾傷諭戶部都察院酌議賑濟

右春坊右庶子韓邦奇謫南京太僕寺丞監察御史周易謫

南京府軍右衛經歷右庶子方鵬錡俸四月以進試錄錯悞

引用經文錯乱二語截除數字提學周易効之而疏中亦誤于為於海隅為海宇光輝為光暉部覆也周易欲舉他人之差謬而已亦錯謬俱降一級

乙酉巡撫寧夏右僉都御史孟洋總督南京糧儲

丙戌官軍討青羊山盜久不克召山西巡撫常道入朝巡撫

保定右僉都御史王應鵬改巡撫山西

辛卯 皇后不豫泰和伯陳萬言求妻入視不許

壬辰前太子少保南京兵部尚書李充嗣卒充嗣四川內江人成

化丁未進士館選授戶部主事改刑部忤逆瑾調判岳州進

僉事累右副都御史南京戶部右侍郎工部尚書兼撫江南

治水利進今官有器度幹局嚴辦性儉素好學祿食輒散之

貧乏贈太子太保謚康和

癸巳南京太僕寺卿錢如京為右副都御史巡撫保定

甲午貴州兵討芒部沙保數年亡功兵部尚書兼左都御史

李承勛言處置莽方未服其心提督尚書伍文定當為遠策

毋專用兵隴壽子勝的裔推重巡按四川御史漢陽戴金請

量授一銜以收夷心威清兵備韓仕英駐安莊衛專制安南

普安仍於貴州添僉事分巡畢節烏蒙烏撒鎮雄東川赤水

永寧從之黔國公沐紹勛等議之召伍文定入朝

郭子章曰芒部之役始議改派議繼立土伍文定主剿戴金

主撫後事雖稍改而改派主剿者未為失策也蜀之改派

者馬湖龍安建武黔之改派者思石鎮遠銅仁滇之改派

者武定順寧今遵義平越又改派矣何禍亂之足虞而獨

於芒部不爾耶機會可惜張皇不定至今黔蜀人猶搯腕

云

乙未逮巡鹽浙江監察御史王朝用以枉道過其里尋免逮
遣錦衣衛千戶會勘坐罰金

十

唐子己亥朔

皇后

陳氏

崩禮部

上喪祭儀注

上疑過隆令

更議

遂酌舊儀以請

上手自裁定初喪三日朕不視朝如

常朝兩宮服淺色衣玉帶還畫事親之道第四日始成服朕

黑翼善冠素服犀帶視朝十二日畫杖期以日易月之義百

官如舊儀閣臣擬

上宜素冠服經帶十二日其後乃服黑

翼善冠犀帶前後二十七日俱御西角門視朝百官皆素經

二十七日以後

皇上御奉天門百官乃更素服角帶上

心許之忽降制曰朕常黑冠素服降之九日而釋可矣張璠

等奏日記曰天子之與后猶父之與母也故為天子服斬衰

父之義也為后服齊衰母之義也又按昭公十五年六月乙

丑周景王太子壽卒秋八月戊寅王穆后崩叔向曰王一歲

而有三年之喪二焉蓋古禮父為子夫為妻皆服三年觀此

則周天子尚為后服三年後世夫為妻始制為齊衰杖期父

母在則不杖夫喪服自朞以下諸侯絕然特為旁期言若妻

之喪本自三年報服殺為期年則固未嘗絕也

皇上為后

服期以日易月僅十三日臣子為君母服三年以日易月僅
二十七日較諸古禮已至殺而後殺則亡矣臣等何忍令
後世史官書曰天子不成后服自 皇上始予 上不聽禮
部尚書方獻夫言持服如初庶事霍韜言古禮父在為母杖
不上於堂尊父也為衆人言之也至於朝廷何獨不然臣請
陛下玄冠素服御西角門十日即玄冠玄衣御奉天門百
官有司入左掖門則烏帽玄衣侍班奏事退出公署及居私
室仍白帽二十七日而除若曰於禮猶有所未慊也則山陵
事畢而除其入見 陛下玄服者杖不上堂之義也出即素

服者子為母之義也 上善之

辛丑虜五萬餘騎犯宣府總兵趙瑛副總兵時陳等拒卻之
斬十一級遁去

辛亥南京太常寺卿牛鳳因事爭禮部不相屬返其札南京
禮部右侍郎顧清以聞奪鳳俸三月

壬子南京禮部右侍郎顧清致仕進尚書

平定州盜平

甲寅運官三年考選

己未西寇莊浪入掠鎮原殺主簿張文明

壬戌詹事黃綰為南京禮部右侍郎

乙丑大學士張璉尚書方獻夫劉麟少卿曾直晏清 科都

給事中王汝梅御史趙光兵部員外郎駱月卿等擇陵天壽

山上定於燠見谷

丙寅遷尋甸府於鳳梧山

戊辰封觀煇魯王健祉陽信王典楨萬安王勤煇臨安王睦

榜汾西王睦棹汝陽王 擢魯山王厚烈永春王厚煇隆平

王

賞木邦宣慰使罕烈孟養安撫司土舍思真仇殺之罪仍許

貢緬甸土舍莽啟歲隴川土舍多參孟定土舍罕忽各就撫

予冠帶

閏十月己巳朔庚午謚 大行皇后曰悼靈

壬申青羊山盜平陳卿出降兵科都給事中夏言往覈功罪

甲戌巡捕及直宿吏卒衣鞵五年一給

戊寅南京刑部右侍郎王爌終養

壬午改京定城編審甲徭之令

八寨等寇平王守仁報捷 上疑其誇詐第勞不可泯仍勅

獎

己丑兵部尚書王時中被劾罷

庚寅故太子太保工部尚書湯陰李鏊贈少保謚恭敏

丁酉上作十六字箴卓爾之見一貫之唯學聖君子昂哉

勿偽出示輔臣刑部尚書胡世寧推廣上意為踈辭以進嘉納焉

總理河道工部右侍郎潘希魯言運河廟道以下忽淤數

十里由決河而東并掣運水東入昭陽湖以故飛雲橋水從

北漫而南涿日壅今可於徐沛間加築東隄以遏入湖路更

培西隄障黃河令無衝潰復濬趙皮寨孫家渡分殺水力廟

道口自可無淤運道以利從之

戊戌代府鎮國將軍仕捌先生坐罪廢庶人錮鳳陽高墻而沒

子輔國將軍成錕微服奔喪因上章自劾乞負骸歸葬工

閔而許之

十一月己亥朔至日受朝賀改明日頒曆

乙巳祭故國子祭酒魯鐸謚文恪上以鐸清節特予祭塋

鐸字振之景陵人弘治壬戌南宮第一成進士選館校脩編

正德初使安南却金珠饋遷司業轉南祭酒及在告絕跡前日集後進之士講授經義卒後貧不能葬

丙午許土魯番速檀滿速兒入貢

免大名廣平順德真定水災田租

已酉改胡世寧兵部尚書進太子太保

庚戌初錦衣衛千戶沈鱗請訂刊歷代史下兩京禮部工部
國子監補刻

壬子內官監供用庫例收江南白糧私斗倍索納戶苦之戶
科都給事中蔡經告困定每石加耗一斗禁科擾

准錦衣衛衣裘鞋五年一給

癸丑套虜六七千騎自寧夏鎮遠關渡河循賀蘭山而南總
兵杭雄副總兵趙鎮等次鎮羌堡擊之失利事聞命給事中
李仁往勘

丙寅冊順妃張氏為皇后

丁卯新建伯總督兩廣兵部尚書兼右都御史王守仁卒於

南安守仁字伯安餘姚人弘治己未進士授刑部主事改兵

部正德初言事謫龍場驛丞居夷力學、益進生員異質好

學專主良知好疑信者半晚爭趨之自平八寨後屢告疾不

允疾甚即解任道卒年五十六上聞之不憚

夫大綸曰王文成鞠躬盡瘁病劇而歸沒於道路亦可已

矣而言者猶以擅離重鎮咎之世之忌功如此

何喬遠曰王守仁以致知為本心之良知有宋呂氏已有

是說而朱學闢之其旨誠不知於大學何如孟子曰凡有
四端於我擴而充之其近之與若其傲僿權譎以之蹈險
出危孔子所謂作易者其有憂患乎至夫招朋講學雖在
兵間徑德不廢臨成敗晏然無所懼喜可謂加齊卿相不
以動心所謂豪傑之士耶

談遷曰昭代名公卿最盛靖遠威寧新建俱以王氏封餘
無望焉彼雖韜鈴顯於文學矐乎後之也新建度越諸子
倡明絕學結世儒之舌寧不誨妬乎哉功不能疵因而疵
其學曰近禪噫管大夫霸佐仲尼仁之即禪乎何尤

王世貞曰吾時、見守仁鄉人及其兵行地者道守仁智
不可測如神云高鳥畫良弓藏雖得保首領乃弗克終有
爵土迨子孫也嗚呼悲哉其為說固未盡合朱氏然亦洒
然可喜所自得深矣學者又加甚焉分門植党以為勝朱
氏然此守仁罪也政雄燕橫放不鑿不踣能發所獨見難
矣

十月二日戊辰朔宣府滴水崖堡卒郭春等多負進擐甲不對簿至
焚劫副總兵劉淵解諭尋伏法

庚午葬 悼靈皇后

套虜且千餘騎自寧夏渡河寇史家溝至青沙峴總兵杭雄擊之敗績

癸酉兵部右侍郎王廷相為左侍郎採木工部右侍郎黃衷改兵部右侍郎

詔邊民歸自虜中量勞之有馬則給其直

丙子虜入大同掠陽和天城平虜三衛及雲朔把總指揮趙源死之官軍頗斬獲引去

定土官入貢遵禮部坐名道大江時湖廣忠孝安撫司把事田春等稱貢驛騷

夜彗見西南

戊子戶部左侍郎梁材為戶部尚書

團營尚書李承勛劾武定侯郭勛并求退不允勛自辨戒諭謙協

己丑土魯番虎力納咱兒以尾刺三千騎犯肅州至老鶴窩堡時撒馬兒罕貢使留堡中虜呼與語游擊將軍彭信急擊斬數級虜言欲貢不聽前敗之虜走赤斤上書委答尾刺總制尚書王瓊請宥其罪仍通貢兵部尚書胡世寧言土魯番狡甚宜閉關絕貢霍韜疑番書不印臣謂雖印不足據牙

木闌我屬蕃被_一執其來歸為反正且厚之携其黨若興復哈密則非中國之急也哈密三立三絕其民散盡使更立他種彼強則入寇弱則縱役非不侵不叛之臣且哈密之復其力豈能截北_一俾不過河入套也故立之亡益徒令土魯番挾之為奸利耳誠下王瓊璽書曉諭夷使許貢使毋過十五人又諭速檀滿速兒責獻虎力納咱見或斬瓦刺百人以贖否則留使留兵庶威信並行今牙木闌來歸土魯番漸弱哈密距闕千五百里赤斤罕東諸衛皆已款塞遠涉沅沙較前為難故甘肅之憂不在土魯番而南有亦不刺北有瓦刺

最驍勅近邊此甚可憂也且瓦刺方怨土魯番如謀臣能利而誘之自相携二亦伐交之術也工然之

乙未水西宣慰使司土舍安萬銓以兄子幼借襲宣慰使


丙申戶部右侍郎王軌為左侍郎工部右侍郎何塘改戶部右侍郎

丁酉禮部右侍郎嚴嵩還自顯陵言棗陽出白石群鶴翔統碑入漢江水溢宜勒石以紀天眷從之

徐學謨曰此嵩得君之始一時導諛後來專寵狼藉則貢符獻瑞為之權輿矣世道污隆之變豈偶然哉

是年平涼大旱饑人相食斗米三四錢民凍亡十之八

[Faint bleed-through text from the reverse side of the page, including characters like '斗米三四錢' and '民凍亡十之八']



書